

सानसेयारि "बड'सा" खैरालाइयाव समाज्यादि जिउजो लोब्बा थावाय रायथाय, रन्थाय, सल', सल'बाथा आरो दावबायारि थावनि, पार्क बाइदिनि सायाव लिर्नाय लिर्बिदां दैथाय हर/ सानसेयारि "बड'सा" खैरालाइया खेबरानावै फोसावगोव।

बड'सायाव लिर्हरनायनि हुबा खालाम, "बड'सा" खैर नोथां, जों बयबो आंगो खालाम।

सानसेयारि बड'सा मावखुनि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com



BODOSA ★ A Bodo News Daily ★ Friday ★ 10 September, 2021 Kokrajhar, BTC, Assam ★ Vol.- 31, Issue No. 166 ★ R.N.I.Regd.No.40994/91, Assam Govt.Regd.No.IPRD.40/2006/13, ★ Rs.8/-

डा: रवि बर' देहा फाहामसालियाव रां दाबि खालामनायनि अजद सिखादों

गिबि मन्थिआ नाव जाब्रथाय जाथायनि सायाव माजुलियाव फैनानै जायगानि आफादफोरजों सावरायलायदों राइज्यो सरकारा नाव जाब्रथाय जानाय जाथायखौ गोजौ थाखोनि सं दानगोन: सर्बानन्द सनवाल

स्टाफ रिपटार, बाक्सा, 9 सेप्टेम्बर: बाक्सा जिल्लानि सदर मुसलपुराव थानाय डा: रवि बर' सिभिल देहा फाहामसालियाव खायासे फाहामथाय होग्रा सिबियारि-मावफारियानि हेंथायै रां लानायनि अजद ओंखारदों। फाहामसालियाव रां गथायनानै होयाब्बानो फाहामथाय होया होनानै सुलुडाव मिथिनाय जादों। जरखायै फाहामसालिनि खुदिया जोनोम होग्रा बिफानआव बेबायदि जाथाया सोलिबाय थानायाव सरसनसा निखावरि नख'गरिफोर जेंना सोमजिदों। अजद बायदिदै फाहामसालियाव गथ' जोनोम होग्रा बिफाननियाव रां

(□ 5 बिलाइआव)

दिसपुर, 9 सेप्टेम्बर: आसामनि गिबि मन्थि ७ हिमन्त बिश्व शर्माआ दिनें जरहात जिल्लानि निमातिघाटनि साखाथियाव मैया नाव जाब्रथाय जानाय जायगासिम थानानै नायसं हैदों। लोगोसेनो बे नायसंनाय समाव एन डि आर एफ आरो एस डि आर एफ आ बोखानाय हाबाफारिखौ नायसंना थारिखौ मिथिनाय लोयो। गिबि मन्थिआ गंसे जोन्थोर गोनां नावयाव गाखोनानै गासै 45 मिनट सम नाडै बोखानाय हाबाफारि लानाय खामानिखौ नायसंयो। नाव जाब्रथाय जानाय जायगा नायसंनायनि उनाव गिबि



मन्थिआ सुलुडाव फोरमायनानै होयोदि, नाव जाब्रथाय जानाय सोमोन्दोयाव जरहात जिल्ला खुंथायखौ मोनसे क्रिमिनल केस थिसनो बिथोन होयो। बियो लोगोसे बुडोदि, इनलेन्ड वाटर ट्रेन्सपर्ट बिफाननि साथाम बिबानगिरिखौ आथिखालाव होखारनाय जाबाय। राइज्यो सरकारा बे जाब्रथाय जानायनि सोमोन्दोयाव मोनसे गोजौ थाखोनि सिग्रोमनाय हाबाफारि लागोन होनानै बो बियो बुंथियो। गिबि मन्थिआ बुडोदि, दिनेंनिक्राय मेरिन इन्जिन गैयै गासैबो गावआरि फेरि

(□ 5 बिलाइआव)

चिरांआव आसाम सुबुं सिबिथाय आयगनि आन्जाद, 2020 खौ खुंफुनो साखा-फारा



काजलगाव, 9 सेप्टेम्बर: दुलाराय आसामजों लोगोसे चिरां जिल्लायवबो पैगो 12 सेप्टेम्बरखालि खुंफुनो गोनां आसाम सुबुं सिबिथाय आयगनि बादायलु आन्जाद, 2020खौ खुंफुनो थाखाय दिनें चिरां

जिल्लानि जिल्ला बेंगिरिनि मावख'नि सावराय न'मायाव मोनसे सावराय मेल खुंफुलाडे। बे सावराय मेलखौ चिरांनि जिल्ला बेंगिरि नरेन्द्र कुमार साहानि आफादगिरि मासि सामब्लायनायाव खुंफुनाय

चिराडाव कभिड-19 नि प्रटकलखौ मानिनायै सोलिनी गलादारफोरनिसिम जिल्ला खुंथायनि गोखौ बिथोन

काजलगाव, 9 सेप्टेम्बर: आसाम स्टेट डिजिस्टार मेनेजमेन्ट अट'रिडि सुंदयै ए एस डि एम एआ एस अ पि फोसावनाय बादिदै आरो कभिड-19 नि हेंथायै राइजो-गजाफोरखौ रेखाथि होनायनि फारसे नोजोर लाखिनानै चिरां जिल्ला बेंगिरि आरो जिल्ला डि एम एनि मासिगिरिया दिनें जिल्लानि सिडाव थानाय साफ्रोमबो गलादारफोरनि थाखाय मोनसे गोखौ बिथोनलाइ फोसावदों। दिनें जिल्ला (□ 5 बिलाइआव)

ए बि एम सुआ बाडाय सुबुं सानखोनि सोलौंथाय जेंनाखौ बोस्रानायनि दाबिजों गोसोखांलाइ गथायदों

कक्राझार, 9 सेप्टेम्बर: हादोराव करना महामारिनि थाखाय रज्योआव अल्टरनेटिव इभालुसेवन खाथिजों खुंफुनाय मेट्रिक आरो गोजौसिन गेजेर आन्जादाव उथिसानो जानायनि अन्जिमाया बांनयनि जाहोनाव फरायसाफोरा मुं थिसनयनि बिथिडाव जेंना नुजाथिनयनि थाखाय दिनें दुलाराय बि टि सि बाडाय सुबुं सानखो फरायसा आफाद आमसुआ जिंगासिनया फोरमायो। बेनि लोब्बाजों फरायसा आफादनि मोनसे थान्दै हान्जाया कक्राझारआव बि टि



सिनि सोलौंथाइ बिथोनगिरिनो गांसे रादाव बिबुंसार गथायनानै मुंथिसन्थायखौ लानानै मेलेमारि

खस्ट मोन्याय फरायसाफोरनि खाबुनि थाखाय गंफ्रोमबो

(□ 5 बिलाइआव)

आसामआव राइज्यो सभा मासिनि उफ्रा बिसायख'थिआ 4 अक्ट'बराव जागोन

बि जे पिआ सर्बानन्द सनवालखौ बिजाथि महैर सायख'नो हागौ



गुवाहाटी, 9 सेप्टेम्बर: हादरनि बिसायख'थि आयगआ राइज्यो सभानि मोन 7 मासिनि थाखाय खुं जानो गोनां उफ्रा

(□ 5 बिलाइआव)

उफ्रा बिधान सभा बिसायख'थियाव जि एस पिआ बादायगोन: एम पि शरनिया

कक्राझार, 9 सेप्टेम्बर: खुं जानो गोनां उफ्रा बिधान सभा बिसायख'थियाव गन' सुरक्षा पार्टी (जि एस पि) आबो उफ्रा बिसायख'थियाव गोखोडै बादायगोन। बे बाश्राखौ रोखायै फोरमायथिदों जि एस पिनि गाहाय आरो कक्राझार लकसभा बियाबनि एमपि नब'कुमार शरनियाआ। दिनें कक्राझार प्रेस

(□ 5 बिलाइआव)



जामुगुरियाव दुलाराय बाथौ महासभानि जर'खा मेल खुंनो लाहार-फाहार

भवानिपुर, 8 सेप्टेम्बर: दुलाराय बाथौ महसभानि मिरुयारि आफादनि बान्जायनायाव पैगो 12 सेप्टेम्बरखालि बाक्सा जिल्लानि जामुगुरियाव थानाय बा-रजा बाथौ आसमयाव महासभानि जर'खा सरसनसा मेलखौ खुंफुनाय जागोन। बे आयदायाव साननि 10.00 रिंगानिक्राय जर'खा सरसनसा मेलखौ खुंफुनाय जागोन होन्ना दुलाराय बाथौ महासभानि मिरुयारि आफादनि

(□ 5 बिलाइआव)

बड'लेन्ड मुलुग सोलौंसालि मिरु बिजाब बाखिनो गां 1801 बिजाब दान होदों कौसल्या ब्रह्मआ

कक्राझार, 9 सेप्टेम्बर: बर' राव थुनलाइन मुंदांखा लिरगिरि आरो साहित्य अकाडेमि बान्था मोनो हानाय रंसारि ब्रजेन्द्र कुमार ब्रह्मनि रन्सायनाय बिजाबफोरखौ दिनें कौसल्या ब्रह्मआ दिनें बड'लेन्ड मुलुग सोलौंसालि मिरु बिजाब बाखिनो दान होदों। बड'लेन्ड मुलुग सोलौंसालिनि भाइस चेन्सेलर, आजिरा लानाय रेजिस्ट्रार पि के हाजवारि, लाइब्रेरियान आइ सि कगेन कलिता आरो बड'लेन्ड मुलुग सोलौंसालिनि मावसुमाफोर लोगोसे रंसारि ब्रह्मनि सोद्रोमाफोरनि नुजाथिनायाव बिथां कौसल्या ब्रह्मआ गासै गां 1801 बिजाबफोरखौ



बड'लेन्ड मुलुग सोलौंसालि मिरु बिजाब बाखिनो गथायनानै होयो। बेफोर गासै बिजाबफोर साहित्य अकाडेमि बान्था मोनो हानाय बर' हारिनि सासे गेदेमा थुनलाइगिरि रंसारि ब्रजेन्द्र

खाहिलिपारायाव कभिड भेक्सिन थुग्रा मिरु बेखेवदों

दिसपुर, 9 सेप्टेम्बर: आसामआव कभिड-19 भेक्सिन थुनायनि हाबाफारिखौ गोखौ खालामनायनि थांखिजों आसाम सरकारा एनजिअ आफाद के यार इन्डियानि हेफाजाबाव राइज्योनि दर 9 जिल्लाफोर फारियै कामरुप (नोगोरमा), बरपेय, डिमा-हासाव, धुबुरी, गवालपारा,

(□ 5 बिलाइआव)

ब्रह्मनि लिस्नाय आरो बिथोननि फरायसुलिफोर आरो लुथुमनाय। बिथां कौसल्या स्कलारफोरनि खाबुनि थाखाय ब्रह्मआ इयुन जोलै फरायसुला-

(□ 5 बिलाइआव)

आसाम-मिज 'राम सिमा जेंनाखौ बोस्रानायनि सायाव मिज 'राम एसेमब्लिआव सावरायलायदों

गुवाहाटी, 9 सेप्टेम्बर: मिज'रामनि नखर मन्थि लालचामलियानाआ दिनें एसेमब्लिआव बुडोदि नसुंसे राइजो आसामजों गोलाव समनिफ्रायनो दिन्दां जानानै थानाय सिमा जेंनाखौ सुस्त्रानायनि थाखाय गोखोडै नाजागसिनो दं। बिथाडा बुंबावोदि रज्यो सरकारा थानाय 2018 माइथायाव रज्योनि सिमाखौ नायबिजिरनो थाखाय मोनसे क'र कमिटि दादोमोन। बे क'र कमिटिखौ गाहाय नेहाथारि लालनुनमाविया चुदावनंखौ मासिगिरि महैर लानानै 2019 माइथायाव दाफिन्नाय जादोमोन होनानै बिथाडा बुडो। आथिखालाव बे कमिटिया



(□ 5 बिलाइआव)

आवदां दालायसा एबसु आरो दावराइ एनजिअआ जुथायै सोलौंथायारि आरो समाजयारि सांग्रांथि मेल खुंदों

कक्राझार, 9 सेप्टेम्बर: कक्राझार जिल्लानि सिडाव थानाय आवदां दालायसा दुलाराय बर'फरायसा आफादनि बान्जायनायजों लोगोसे दावराय फाउन्डेसन एनजिअनि हेफाजाबजों दिनें आवदां दालायसा दुलाराय बर'फरायसा आफादनि आफादगिरि सोद्रोमा नार्जारिनि मासि सामब्लायनायजों आवदां दालायसा दुलाराय बर'फरायसा आफादनि सिडाव थानाय गुबुन गुबुन गामिनि दिथागिरि आरो फरायसाफोरखौ लानानै आवदां बाजारनि फैलाव फोथाराव



मोनसे सोलौंथायारि आरो समाजारि सांग्रांथि मेल खुंफुडे। गोवलां मेल लिंथुमनायजों लोगोसे आथिखालाव

जाप्लेबाय थानाय समाजारि गात्रि आखुथाय एबा हुदाफोरजों लोब्बा थानाय बै गात्रि आखुफोरखौ फरायसाफोरनि

दिथागिरि बिथांमोनहा गथ'फोरखौ माबायदि दिथा होनांगो आरो फरायफुनाय

(□ 5 बिलाइआव)

सुजुगिरिनि खोलोम

इयुनखौ सानना जों आगान सुरनांगौ

नखरनियानो जा एबा हादोरनियानो जा, हाबा मावनायाव जों गोसोखौ थि लानाया गाहाम, दिनेनिल' बाश्राखौ सानाबालानो गाबोननि थाखायबो सिन्था खालामनानैसो खामानिखौ मावनांगोन। जेखि हाबानि प्लेन खालामा मानो, आथिखालनि बाश्राखौल' सानना खालामोब्ला इयुनि थाखाय गोरोंथि नुजाफेनो हागौ। खालामखानाय प्लेन प्रग्रामखौ सिफायनानै गोदाने प्लेन बानायफिननांगौ जानानै फेयो। जाउनाव रांखाउरिनि ख'हाया ओरैनो नुजाफेयो।

जों थानायनि न'बांखौ जेरै सानै हयैसो लुखानांगौ, बिब्दिनो सोरकारि बिफाननि जेखि जाया मावखनि बिलडिंयानो जा एबा लामा सामाआनो जा, दै लोंग्रानि स्किमानो जा, जामफै नालानि स्किमानो जा, इयुनि बाश्राखौ सानै हयैसो बानायनो प्लेन खालामनानांगौ टाउन सहरनि बाश्राखौ बुंलानो हमनो हागोन, बे बाश्राया बेसेबां रजयो एबा रजया। जोंनि खाथि-खाला थानाय गेदेर उन्दै टाउन सहरनि बाश्रा एबा गौहाटि बाइदि सहरमानि बाश्राखौ सानना नायब्ला नुनो मोनोदि, बेफोराव थानाय लामाफोर, दै लांग्रामफै एबा नालाफोरनि अबस्थाखौ नुब्लानो बुंनो हागोनदि, सिगाडव न' लुना थानाय सुबुंफ्रा बै समनि बाश्राखौल' सानना न'बांखौ लुना लादोंमोन। बै समाव मानसि सुबुंफोरनि अन्जिमायाबो बाडायमोन। साननो रोडखेमोन, इयुनाव दिनेनि बाइदि सुबुंनि अन्जिमाया बांगोन आरो लामा सामा फोरनि अबस्थाआ बे बाइदि जागोन होनना। दैज्लां बोथोरावसो बे ओंथि गोनां बाश्राखौ हमनो हायो। अखानि दैया जमा जाना लामा सामाआ उसिफाव लायनाय, दै बाना बाइदि जालायनायखौ नुब्लासो हमनो हायो सिगाडव मा गोरोंथि मावबोआमोन।

सरकारनि फोजीथान बिफाननि जेखिजाया खामानिखौनो रोंगथि गोनां प्लेनारनि दारायसो स्किम बानायन अनुस्थानफोरखौ फसना होनांगौ। बेखौ दैनेनिरिफ्राबो गोथौयै सानना नायनाय समाय गैया। बि.टि.ए.डि. हालामनि जेखि जाया स्किमनि हाबाफोरखौ सानै हयैसो मावहोनाया गाहाम। रांनि आंखाल गैया होनना जेराव मोनो बेवनो स्किमफोरनि खामानिखौ मावना दिन्थिब्लानो जाबाय सानना इयुनाव बेनिफ्राय माबा हेंथा सौफेगोन नामा बेखौबो सानखा नांगोन। नबां गैयै, दंफां लाइफां गैयै खुला हाया जोंनि बि.टि.ए.डि. ओन्सोलाव गोबां दड; बिब्दि होनना प्लेन खालामा बालानो दिनेनि बाश्राखौल' सानना खालि जायगा मोनदों होनना गेजेर गां गां मा बा मोनसे स्किमनि खामानि मावब्लानो जानाय नडा। बिनिखायनो जों इयुनि बाश्राखौ सानै हयैसो खामानिखौ मावनांगोन।

दिनेनि फानजामुधि

राशि बाइदियै मुंनि गिबि हांखो
 मेष : अ ल बृष : ऊ ब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ठ (ण ष)
 तुला : त र बृश्चिक : ब न धनु : ध भ (ड फ)
 मकर : ख ज कुम्भ : ग श (स) मीन : द च (ख ज झ)

- मेष:** बेफार फालांगिआव रांनि मुलाम्फा खालामनो हागोन। गोजोन्नायखौ मोनो हागोन। मोजां सम।
- बृष:** नाजाथाबानानै मावनाय मोजां फिथायखौ मोनो हागोन। गोसोखौ गोजोन मोनगोन।
- मिथुन:** जेखि जाया मावनो लानाय खामानिया मोनसेबो जाफुंनय नडा। मोजां खामानिखौ मावनो नाड।
- कर्कट:** मानिबा थाखाय गिनाय मोनखांनो हागौ। गोसोखौ हमथाना था।
- सिंह:** सोरनिबा मोजां हाबा मावोबा उपकार जानो हागोन। गोजोन्नायखौ मोनगोन।
- कन्या:** नखरआव जेनाया जोबस्रानाय नडा। नखराव गोरलैसोनानै थानो हागौ। गोसोखौ हमथा।
- तुला:** नाजाथाबानायनि गोथार फिथायखौ मोनो हागोन। फारफोमथिबो मोजां।
- बृश्चिक:** सानाय थांखिआ जाफुंनय नडा। गावनि मानसियानो हेंथा होनो हागौ। थासारिया गांजि
- धनु:** जेखि मावा मुलाम्फा मोनो हागोन। गोजोनें समखौ बारहोनो हागोन। मोजां सान।
- मकर:** आन्जादफोर दडबा उथिसारनो हागोन। फसायसाफोरनि थाखाय गाहाम सान।
- कुम्भ:** सोरजोंबा निन्दा होजाबायनो हागौ। गोसो हमथानानै थानांगोन। गोसोखौ सांथि मोननाय नडा।
- मीन:** नखर संसारव गोजोन्नाय गैयै सोमजिखांनो हागौ। बिमानि सुखुआ गोमालांगोन। गोसो हमथा।

पिएलआइ यजनाजों सि-जोम दिहुन्थायखौ मुलुगयारि मिरु बानायनो गोसो जादों भारतआ : मदि

गोदान दिल्ली, 9 सेप्टेम्बर : गाहाय मन्थि नरेन्द्र मदिआ बुंदों, पिएलआइ यजनाआ सि-जोम बिथिंजों लोगोसेनो गावनि आथिडाव गसंनाय भारतनि समायखिरा लानायखौ गोखों खालामगोन आरो बेनि गेजेरजों भारतआ सि-जोम दिहुन्थाय बिथिंखौ मुलुगयारि मिरु खालामनो गोसो जादों। मिरु नख'र मन्थि अमित शाहआ पिएलआइ यजनाखौ गाहाय मन्थि मदिनि इयुनखौ नोजोर होनायनि थांखि लानाय फोसावदों आरो बुंदों बेजों मुलुगयारि बाजाराव भारतनि गोहोया बांगोन आरो हादतआव साखिनि गोदान खाबुआ



खालामनाय जिल्लाफोरनि जौगाखानायनि गोखैथिया बांगोन। नख'र मन्थि शाहआ टुइटाव बुंदों थांनाय 7 बोसोराव सि-जोम बिथिंखौ गावनि आथिडाव गसंनाय बानायनो थाखाय गाहाय मन्थि मदिआ माखासे मोजां थांखि लादों आरो बे बिथिडाव आरोबाव मोनसे थांखि लानायखौ आवगय होना मिरु मन्थि आफादआ सि-जोम बिथिंनि थाखाय 10,613 कौटि रांनि पिएलआइ यजनखौ गनायथि होदों। गाहाय मन्थि या टुइटाव बुंदों सि-जोम बिथिंनि थाखाय पिएलआइ यजनाखौ गनायथि होदों। गुरुन मोनसे टुइटाव बियो बुंदों पिएलआइ यजनाना आइजोफोरखौ गोहो गोरा बानायगोन आरो आसा

मिरु सरकारआ नागा बिग्रायारि हान्जा एनएससिएजों गोजोन गोरोबथा खालामदों

गोदान दिल्ली, 9 सेप्टेम्बर : मिरुआ बुधबाराव नागा बिग्रायारि हान्जा एनएससिएमि निकी सुमी दैदेन्याय हान्जाजों दावहा दोन्थ'नाय रादायनि मुंसाय होलायो। मख'जाथावदि, सुमीनि सायाव एनआइएआ 2015 आव मणिपुख्ताव सा 18 जवानफोरखौ इनाय-अनागारै बुथारनायनि थाखाय 10 लाख रांनि बान्था फोसावदोंमोन। नख'र मावख'नि बादिब्ला, गोजोन गोरोबथाआ 8 सेप्टेम्बरनिफ्राय से बोसोरसिम गोहोम गोनां जागोन आरो बे हान्जानि सा 200 नि बांसिन सोद्रोमाफोर गावखौ गथायो। नख'र मावख'आ मोनसे फिन होनायाव बुंदोंदि, दावहा दोन्थनाय रादाया नागा गोजोन हाबाफारि आरो सा-सान्जाखौ बिग्रायारि उदां खालामनायनि लामायाव मोनसे मख'जाथाव बिग्रायारि उदां आरो जौगाखां सा-सान्जा बानायनो गाहाय मन्थि नरेन्द्र मदिनि थांखि लानायखौ फुरा खालामनो आरो नागा सांथि हाबाफारिखौ जाफुंसारहोनायनि थाखाय भारत सरकार नेसनल सशेलिस्ट काउन्सिल अफ नागालैन्ड (के) एबा निकी हान्जाजों दावहा दोन्थ'नायनि गोरोबथा खालामदों। जायखौ बुधवार 8 सेप्टेम्बरआव मुंसाय होलायनाय जायो।

मोसाफोर थैनायनि केसआव मध्य प्रदेशआ नम्बर 1 जादों

भुपाल, 9 सेप्टेम्बर : टाइगर स्टेट बुंजानाय मध्य प्रदेशआ मोसाफोरनि थैनायनि केसआवबो हादतआ नम्बर 1। बेवहाय थांनाय 8 दानाव मा 31 मोसाफोर थैखांबाय। बेनि गेजेराव मा 18 मोसाफोर टाइगर रिजार्भ ओन्सोलाव थैदों। बावयैसो समाव रातापानी सेन्सुरिआवबो मा 2 मोसानि गोथै सहखौ मोन्नाय जादोंमोन। मोसाफोर थैनायनि केसआव पार्क सामलायगिरिनि हाबाफारि मावनायाव सोंथि दैखांनय जादों। हाग्रानि जिब जुनातखौ मोजां मोनग्राफोरा मोसानि थैनायनि जाहोनखौ टाइगर रिजार्भआव ओरैबायदि बिबानगिरिफोरखौ थिसन्यायखौ मानिना लादों, जायना वाइल्ड



लाइफ सामलायनायजों जेबो लेना देना गैया। पिसिसिएफ वाइल्ड लाइफ बिबानगिरिना बुंदों, मोसाफोरनि अन्जिमाआ गोखैनो बांदों, जायनि जाहोनाव बिसोरनि गेजेराव टेरिटिरियल फाइट जायो। बेवहाय बोलो गैयै मोसाया जोखोम जाब्ला ओन्सोलखौ नागारो एबा बेबादिआ मिथिंगायारि। हेरिटिरियल फाइटखौ होबथानो थाखाय सेन्सरि बानायनानै गोदान ओन्सोलखौ नागिरनाय जादों। पान्ना टाइगर रिजार्भआव फेब्रुवारी 2009 आव मोसाफोर गैयै जादोंमोन। बेवहाय मोसाफोरखौ दोन्ना थाखाय आलादा आलादा टाइगर रिजार्भनिफ्राय मोसा बुन्दा-बुन्दीखौ लानानै थांनाय जादों।

आमेरिकानि थान्दैया आरएसएसनि गाहाय महन भागबतजों लोगो हमदों



गोदान दिल्ली, 9 सेप्टेम्बर : आमेरिकानि थान्दै मावख'नि गाहाय अतुल केशपआ बुधबाराव आरएसएसनि गाहाय महन भागबतजों लोगो हमदों। बे समाव बेयो बेखौ मिथिनो नाजादोंदि, माबौरै जे'ना

आरएसएसनि आफादगिरि महन भागबतजों मोजाडैने सावरायन्त्यायदोंदि, माबौरै भारतनि सुबुंन्त्र, गुबुन गुबुन गोरोबलायै बान्जायजाथाव आरो गुबुन गुबुन आसार खांथिफोर मोगथांआव दरसे हादतनि जिडनि गोहो आरो बोलोखौ रोखा खालामनो हागौ। बेनि सिगांआवबो गोबां थान्दैफोर आरएसएसनि गाहायजों लोगो हमदोंमोन। 2019 आव जार्माननि थान्दै वाल्टर जे लिंडनारआ नागपुरआव फसंथाननि मावख'आव महन भागबतजों लोगो हमदोंमोन। आरएसएसनि गाहाय भागबतआ बावैसो सिगांआव गाहाय राजखान्थियारि आयदाफोरखौ देखांनो नाजानानै आउटरीचआव बाहागो लादों।

एसएससि जिडि कनस्टेबल थिसन्थाय आन्जादनि अक्टखौ फोसावबाय

गोदान दिल्ली, 9 सेप्टेम्बर : एसएससि जिडि कनस्टेबल थिसन्थाय आन्जाद 2021 नि अक्ट' फारिलाइखौ फोसावनानै होनाय जाबाय। मावसुमा सायख'ग्रा आयग (एसएससि) नि जोहै फोसावनाय आन्जाद फारिलाइ बादिदियै जिडि कनस्टेबल थिसन्थाय आन्जादआ फेगौ 16 नभेम्बरनिफ्राय 15 डिसेम्बरसिमनि गेजेराव खुंफुं जारगोन। बे थिसन्थाय आन्जादनि गेजेरजों सिआरपिएफ, एनआइए, एसएसएनि कनस्टेबल (जिडि) आरो

आसाम राइफलआव राइफलमेन (जिडि) नि गासै 25271 मासिफोरव थिसन्थाय जागोन। बेयाव हौवा कनस्टेबलनि थाखाय मोन 22424 मासि आरो आइजो कनस्टेबलनि थाखाय मोन 2847 मासिफोर थागोन। बिएसएफआव 7545 मासि, सिआइएसएफआव 8464 मासि, एसएसबिआव 3806 मासि, आइटिबिपिआव 1431 मासि, एआरआव 3785 मासि आरो एसएसएफआव 240 मासिफोर दड।

भारतीय फोलेरनि हेमन्त धनजीआ अस्ट्रेलिया सुप्रिम कर्टनि जाज जाबाय

सिडनी, 8 सेप्टेम्बर : भारतीय फोलेरनि हेमन्त धनजीखौ अस्ट्रेलिया सुप्रिम कर्टनि जाज थिसन्दों। बियो एनएसडब्लिडनि सुप्रिम कर्टआव जाजनि हाबा मावनाय भारतीय फोलेरनि गिबि अस्ट्रेलिया जादों। धनजीखौ 1990 आव सासे लीगील प्रेक्टिशनारनि महराव थिसन्नाय जादोंमोन। बिनाव 30



बोसोरनिफ्राय बांसिन सससिमनि आयेनिनि मोन्दांथि दं। भारतआ अस्ट्रेलियानि हाइकमिसनआ टुइटा खालामना बुंदों, सिडनी बैरिस्टर हेमन्त धनजीआ निउ साउथ वेल्स सुप्रिम कर्टनि बिजिगिरि थिसन जानाय भारतीय फोलेरनि गिबि अस्ट्रेलियाआ गोबाव समनिफ्रायनो गावजों गाव हेफाजाव होलायदों। बेजों लोगोसेनो दरने हादतफोरनि सोमोन्दो जौगाखांदो। दरने हादतफोरनि फालागिरि, सोल्यारि खांथि नाजानाय, स्टुडेन्ट इक्ससेन्स प्रग्राम, हा सा बाहागोनि जौगाखानायनि थाखाय समान हाबाफारि मावनाया भारत आरो अस्ट्रेलियानि सोमोन्दोखौ गोखोंसिन बानायदों। 11 सेप्टेम्बरव भारत अस्ट्रेलियानि गेजेराव टु-प्लास-टु मन्थि थाखोनि सावरायलायनायबो जागोन। बे समाव रैखाथि आरो सैरखाथिनि सोमोन्दोखौ बांहोनायजों लोगोसे भारत अस्ट्रेलियाआव सोल्यारि खांथिनि हेफाजाव होनायखौ बांहोनायनि सायाव नोजोर होनो हागौ।

ब्रह्मपुत्र दैमायाव गोब्राब नाव जाब्रबथायाव करना भेक्सिन थुजाखांनायनि उनाव सा 33 गोमाना दं आरो सासेनि जिउ खहा 37 सुबुंफोरा बेरामाव गोग्लैदों: रिपर्ट

गुवाहाटी, 9 सेप्टेम्बर : आसामनि जरहाट जिल्लायाव बुधबाराव स्टीम इन्जिननि गैने नावआ गावजों गाव सौ ग 1 व ल 1 य न 1 या 1 व दावबायारिफोरजों आबुं गंसे नावआ ब्रह्मपुत्र दैयाव गोदोयो। खौरांनि बादिल्ला बे गोदोनाय नावआव सा 120 नि बांसिन दावबायारिफोर दंमोन। बे जाब्रबथाया सासे जिउ गोमादों आरो सा 33 गोमाना दं। आइ डब्लिउटि बिफाना साथाम बिबानगिरिफोरखौ सांघ्रांथि गैयेनि दायआव बिबाननिफ्राय बोखलायबाय। एनडिआरएफ आरो एसडि आरएफनि हान्जाफोर रेहाय आरो रेखाथि हाबाफारि मावगासिनो। मा कमला मुनि गंसे गावआरि नावआ निमती गाथोननिफ्राय दावबायारिफोरजों लो गोसे साखा खबने गारिफोरखौ लानानै माजुलि फासं थंदोंमोन। ससे थानानैने बेयो सरकारि फेरी



स्टीमार त्रिफाईजों सोदावहैयो। आइडब्लिउटि बिफाननि सासे बिबानगिरिया फोरमायदोंदि, नावआव सा 20 दावबायारिफोर दंमोन। बिसोरनि माखायसेखौ फेरि त्रिफाईयाव थानाय लाइफगार्डनि मदतजों रेखा खालामनो हादों। एसडिआरएफनि गाहाय बिबानगिरि गियानेन्द्र त्रिपाठीया

बुं दोंदि, बे जाब्रबथायआवनिफ्राय रेखाथि खालामनो हानाय सासे आइजोआ फाहामथाय होबाय थानाय समाव जोबथा हा बोदों। जरहाटनि पुलिस अफिसार अंकुर जैनआ फोरमायदोंदि, गावसोर सा 33 नि बांसिन सुबुंफोर गोमानायनि खौरां मोन्दों। डिपुटि कमिसनार अशक

बर्मनआ फोरमायदोंदि सा 42 सुबुंफोरखौ रेखाथियै बोखानो हाखांबाय। बिन मिथि होनाय बादिल्ला, जाब्रबथायनि उनाव नावआ दैयाव गोदोनायने 1.5 किलमिटर गोजान बोहैखारलांदोंमोन। बे नावआ

बेल्थायदोंमोन। गिबि मन्थि हिमन्त बिश्व शर्माया बे जाब्रबथायनि सायाव गोथौ दुखु मोन्नाय फोरमायनानै माजुली आरो जरहाट जिल्ला खुं थायखौ बेनि रेखाथि हाबाफारि एबा गोमाना थानाय सुबुंफोरखौ नागिरनाय हाबाफारिखौ गोखों खालामनोबो बिथोन होदोंमोन आरो बे जाथायसालियावबो गावनो दावबाय हैदोंमोन। हादतगिरि रामनाथ कबिन्द, गाहाय मन्थि मदि, नख'र मन्थि अमित शाह, जाहाज रानी मन्थि सर्वानन्द सनवाल, आसामनि राज्यो बेंगिरि जगदीश मुखी आरो कंग्रेसनि दैदेनगिरि राहुल गान्धी मोनहाबो बे जाब्रबथायखौ दुखु मोन्नाय फोरमायदों।

गोदान दिल्ली, 9 सेप्टेम्बर: करना भेक्सिन थुजाखांनाय सुबुंफोरनिनाय नुनो मोन्नाय साइड इफेक्टफोरखौ लानानै मिरु देहा मावख'आ गोदान रिपर्ट फोसावदों। बे रिपर्टनि बादिल्ला, साभेनि थाखाय सायख'नाय सा 88 सुबुंफोरनि सा 61 नियाव गोब्राब साइड इफेक्ट नुनो मोन्नाय जादों। बिसोरनि गेजेराव सा 37 नियाव बेक्सिनजों सोमोन्दो थानाय साइड इफेक्टखौ नुनो मोन्दोंमोन। दासिमआव सा 5 नि जिउबो गोमाबाय। नाथाय बिसोर थोंजोडै भेक्सिनजों सोमोन्दो गैया। मिरु देहा मावख'आ 5 थि एएफआइ रिपर्ट फोसावदों। बे रिपर्टखौ 16 जानुवारीनिफ्राय भारतआव बेक्सिन थुनाय अभियानखौ जागायनायनिफ्राय लानानै 30 मार्चनि गेजेराव करना भेक्सिन

थुजानाय सा 88 रेन्डम मुलाम्फागिरिफोरनि डाटानि सायाव थियारि खालामनाय जादों। बेसेबां समनि गेजेराव हादरआव गासै 6.4 कौटि भेक्सिननि ड्रप थुनाय जादोंमोन। मख'जाथावदि, सा 5 जिउ गोमानायनि अनगायै गुबुनफोर, जायफोर गोब्राब आरो जोबोद गोब्राब रिक्सन जानाय बिसोर बेरामिफोर आथिखालाव मोजां जाबाय। रिपर्टनि बादिल्ला, साथाम थैनायफोरा एक्सिडेन्टेलमोन आरो बिसोरहा भेक्सिन थुनायजों सोमोन्दो गैयामोन। बबेखानि टेस्ट नायनायाव बिसोरनि थैनायनि जाहोनखौ एक्सपार्टआ मिथिगायारि होन्नानै फोरमायदों। मख'नो गोनांदि, हादरआव करना भेक्सिन थुनायनि अन्जिमाया 71 कौटि ड्रपनिबो बांसिन जाबाय।

बुधबारखालि मोनाबिलिनि 7.00 सिगसिमाव हादरआव गासै 73,80,510 नि बांसिन ड्रप थुनाय जाबाय। मिरु देहा मावख'नि मन्थि मनसुख मान्डीबियाआ बुंदोंदि, भारतआ 10 कौटि बेक्सिन थुनाय अन्जिमासिम सौहैने 58 सान आरो 20 कौटिखौ बारने 45 सान आरो 30 कौटिसिम सौहैने 29 सान नांदों। बेरफासं 30 निफ्राय 40 कौटि ड्रप भेक्सिन थुनायसिम सौहैने 24 सानल' नांदों आरो फिन 6 आगस्टआव 50 कौटि भेक्सिन थुनाय अन्जिमाखौ बारलानो 20 सान नांवावदों। मावख'आ बुंदोंदि, 60 कौटि अन्जिमाखौ बारलानायाव 19 सान नांवावदों आरो 8 सेप्टेम्बरआव 7 कौटिसिम सौहैनायाव खालि 13 सानल' नांदों।

ट्रेनआ लेट जानायनि जाहोनाव फ्लाइट खारगलांदों, सुप्रिम कर्टनि बिथोन होनायाव दावबायारिनो 30,000 रांखौ होनांगोन रेलवेआ

गोदान दिल्ली, 9 सेप्टेम्बर : भारतआव ट्रेनफोरनि लेट जानायआ सरसन्त्ता बाश्रा आरो सम सम जों बेनि बेसेनखौ सुखनांगो जायो। बेनि गेजेराव सुप्रिम कर्टआ रेलवेखौ सासे अजद लाइ थिनगिरिनो 30,000 हजार रां होनो बाश्रा बुंदों, जायना जम्मुनिफ्राय श्रीनगरनि फ्लाइटआ आजमेर जम्मु एक्सप्रेसआलेट जानायनि जाहोनाव बिरगलांदोंमोन। बे ट्रेनआ 4 घन्टा लेटमोन। रांखाथि अन्सुथाय होनायनि बिथोनखौ गाहाय महैर जिल्ला बाहायगिरि जेना सुस्त्रांग्रा फराम, अलवारनि गेजेरजों पास खालामनाय जादोंमोन आरो बेनि उनाव माहारि बाहायगिरि जेना सुस्त्रांग्रा आयग, गोदान दिल्लीआबो बेखौ गनायथि होदोंमोन। नाथाय नार्दन रेलवे बे बिथोन होनायखौ सुप्रिम कर्टआव सेलेन्स होदोंमोन, जायनि सायाव जास्टिस एमआर शाह आरो जास्टिस अनिरुद्ध बसआ थांखि लानायखौ खोनासंहोदों। लाइभ लनि मोनसे रिपर्टनि बादिल्ला, नार्दन रेलवेआ 15 हजार रांखौ टेक्सी खरसा महैर, 10 हजार रांखौ टिकेट खरसा आरो 5 हजार रांखौ



दुखु मोनहोनाय आरो केस थिसन्नांनयनि महारव होनांगो। ट्रेनआ लेट जानायनि जाहोनाव अजदलाइ थिसनगिरिनि फ्लाइटआ बिरगलांदोंमोन। बियो टेक्सिजों श्रीनगरवा थानांदों आरो हवाइट टिकेटनि महारव 9 हजार राख खहा जादों। बियो टेक्सिखौ बाहा लानायाव 15 हजार रां होनांदों। बेनि अनगायै डल बिलोआव शिकारनि बुकिनि थाखाय 10 हजार राख खहा जादों। उफ्रा सलिसिटर जेनेरेलआ बिजिरसालिनि सिडाव बुंदों ट्रेनआ गोबावजों खारनायखौ रेलवेनि सिबिथायाव खमी जानाय बुनो हाया। बेनि सायाव सुप्रिम कर्टनि बेन्सआ बुंदों रेलवेआ बे बाश्रानि फोरमानखौ होनांगोन आरो फोरमायनांगोनदि ट्रेन लेट जानायनि जाहोनआ सामलाय जानायनिफ्राय

बायजोआव दंमोन। नाथाय रेलवेआ बेबादि फोरमानखौ होनायआव फेलें जादों। बेन्सआ बुंदों बेनि सायाव जेबो दान्थे-बिदान्थे जानो हायादि साफ्रामबो दावबायारिफोरनि समा बेसेन गोसा आरो जानो हागौदि बियो इयुनिनि दावबायनायनि थाखाय टिकेट लांदों। बेबादिआ आथिखालनि केसआव जादों। बेयो बादायलायनाय आरो फिन्याय होनायनि सम। सरकारि गारि मथरफोर थानानै थानो आरो प्राइभेट फ्लेयर्सजों जुजिनो थाखाय गावनि नेमखाथि आरो हाबा फारिखौ सुस्त्रानांगोन। नोगोरिफोर आरो दावबायारिफोरखौ अथ'रिफि एबा खुंथायनि अनखांनायनि सायाव हगारना होनो हाया। सोरबाया बिबानखौ लाथारनांगोन।

गोदान दिल्ली, 9 सेप्टेम्बर : सान्थिफोरखौ फिन दाफुनायनि हाबाफारिआ माखासे थाखोआव जागायजेनबाय। नाथाय थियेटर कामानखौ बानायनायआव गोबां गोबाव जाबाय। सरकारनि सुलुनि बादिल्ला, थियेटर कामानआ जाफुंसारनायाव 2-3 बोसोर नांवावनो हागौ। आगुआव बुंनाय जादोंमोनदि लैथोमा थियेटर कामानआ बे बोसोरवा जागाय जेनगोन आरो बेनि उनाव एयार डिफेन्स कामान दाफुनाय जागोन। नाथाय 2024 नि सिगां मोनसेबो थियेटर कामानआ जाफुंसारनाय नडा। सरकारनि सुलुडा फोरमायदों मोनै हा-सा बाहागोनि कामान जागोन, बेयो सोनाब थियेटर कामान आरो मोनसेआ लैथोमा कामान आरो गुबुन मोनसेआ



एयार डिफेन्स कामान जागोन। सान्जायाव सा कामाननि सायावबो सावरायलायनाय जादोंमोन। नाथाय आथिखालाव मोनै हा सा बाहागोनि कामानफोरनि सायाव बे गनायथिनाय जादों। थियेटर

कामानखौ दाफुनो थाखाय बेनि फसथाननि गुदि बिथाखौ थियारि खालामनाय जाखांबाय। बे हाबाफारिनि थाखाय बैनि सायाव माखासे थाखोनि सावरायलायनाय जादों। बे हाबाफारिआव मोनथाम सान्थि

हान्जाखौ लाफानाय जागोन। बेनि थाखायनो बे हाबाफारिया जेना गोनं। बे हाबाफारिया थाबैने जानाय नडा। मोनफ्रामबो थियेटर कामाननि गुदि बिथाखौ थियारि खालामनाय, बेनि मावख' बानायनाय, बेनि कामान्दार आरो डिपुटि कामान्दारखौ थि खालामनाय हाबाफारिआ गोबाव जागोन। नैथिआव बे हाबाफारिखौ मोनथामबो सान्थि हान्जानि गेजेरजों मावनाया गोनंथार। बेनि थाखायनो थियेटर कामानआ

जाफुंसारनायाव 2-3 बोसोर नांवावनो हागौ। थियेटर कामाननि गाहाय मावख'आ गाहाय जागोन, बेखौ लानानैबो दासिमबो जोबथा थांखिखौ लानाय जायाखै। सोनाब कामाननि गाहाय मावख'खौ जयपुराव बानायनायनि सायाव बाश्रा सावरायनाय जादों। बे रोखोमै सान्जा थियेटर कामाननि गाहाय मावख'आ कलकाता एबा लक्ष्मीआव जानो हागौ। लैथोमा कामाननि थाखाय नेभीआ कारबारखौ मोजांसिन मोन्दो, आथिखालाव कच्चानि थांखि लानायनि सायावबो सावरायनाय जादों। बे रोखोमै एयार डिफेन्स कामाननि थाखाय जधपुर, गान्धीनगर आरो प्रयागराजनि गेजेराव माबेबा मोनसेखौ सायख'नो हागौ। 17 था कामानफोरनि जायगाखौ मोन 4 थियेटर कामानआ लागोन। नाथाय 17 था कामानफोरखौ थाबै नो फोजोबनाय जानाय नडा।

मुलुगनि गोहो गोरसिन जानो थाखाय चीनआ आमेरिकानि गोनोखोखौ थांखिदों: रिपर्ट




बेइजिं, 9 सेप्टेम्बर: चीनआ आमेरिकाखौ गाहायाव दोनानै मुलुगनि गिबिसिन गोहो गोर हादर जानो नाजागासिनो। दा नेसनेल इन्टरेस्टआव सेवखानाय मोनसे रिपर्टनि बादिल्ला, बेनि थाखाय चीनआ इउएसएखौ गावस्नाहोनायजों लो गोसे नेमखान्थिनि सायाव बिथा खालामनाय बेनि हरिमियायि नेमखान्थिखौ सिमफायनो नाजादों, जायखौ आमेरिकान आरो बेनि हेफाजाबगिरिफोरा नैथि मुलुग दावहानि उनाव गायसन्दों। दा नेसनेल इन्टरेस्टआव सुजुगिरिनि लिबिदांआव स्टाबरस एटलामाजग्लुआ लिर्दोंदि, आमेरिकाया रसिया, सा करिया,

इरान, उतखारि फसथानफोर, बोथोर सोलायनाय आरो इन्फेक्सननिफ्राय सिगांनिफ्रायनो सोलिबोनाय आरो हरखाबै नुजाथिनाय खै फोदफोरजों मोगा-मोगि जानांदों। अब्लाबो चीनआ आमेरिकानि माहारियायि रेखाथिनि थाखाय गिबि खैफोद महैर जौसिनआव थादों। रिपर्टनि बादिल्ला, मुलुगनि गोहो गोरसिन जानो थाखाय चीनआ गाहायै रांखाथि, उद्यगयारि आरो गोनोखोयारि टार्गेटखौ उनसदों, जाय चीननि रांखाथि रहहा आरो गोनोखोयारि सेक्टरनो मुलाम्फा होगोन। चीनआ एफ-35 एबा एफ-22 बायदि आमेरिकानि उरां जाहाजफोर आरो गुन्दासा टेक्नलजीनि ब्लुप्रिन्टखौबो

सिखाव खावनो थाखाय संगालिनि हेफाजाब लादों। चीननि बे संगालि अभियानआ आमेरिकानि माहारियायि रेखाथि आरो रांखाथिनि थाखाय मोनसे गिदिरि खैफोद। एनसिएससिनि हाबाफारि बिथोनगिरि माइक अरलेन्डनि मोनसे मोगा-मोगिआव बुंनाय बाश्राखौ गथायनानै एटलामाजग्लुआ लिर्दोंदि, चीननि बे सिखाव खावनायजों आमेरिकाया 200-600 बिलियन आमेरिकानि डलार खहा जादों आरो बेयो थानाय 20 बोसोरनिफ्रायनो जाबोगासिनो। आमेरिकानिफ्राय गोहो गोरसिन जानो थाखाय चीनआ गावनि रांखाथिखौ बिथिडवबो आमेरिका आरो गुबुन सोनाबयारि हादरफोरनिफ्राय आवगायलानांगोन। चीनआ क्वान्टम कम्प्युटि, अटनमास भेहिकल, आर्टिफिसिएल इन्टेलिजेन्स, बायटेक्नलजी आरो 5 जि बायदि ट्रांसस्पर्ट टेक्नलजीजखौ टार्गेट खालामगासिनो आरो सिखाव खावगासिनो।

ACHIEVEMENT



Ms. Smita Deb, Assistant Professor, Science College Kokrajhar, Journalism Dept. is a Ph.D. Scholar of the Department of Mass Communication, Assam University, Silchar has qualified the award of Ph.D. degree in Mass Communication on the topic "Social Issues in the films of Bimal Roy and Satyajit Ray: A Comparative Study", a topic of National importance by Assam Central University, Silchar recently under the supervision of Prof. (Dr.) G. P. Pandey, Dean & Head, Dept of Mass Communication, Assam University, Silchar. Ms. Deb is also winner of the title of "Mrs Universe Lovely" at Mrs Universe 2018 held in Cebu, Philippines.

She is the daughter of Mr. Sudarshan Dev and Mrs. Jayanti Dev. She is the wife of Mr. Anurag Agarwal (IPS) and mother of Master Yuvraj & Master Rudraksh.

SHORT NOTICE INVITING TENDER

Sealed tender in plain paper affixing court fees stamp of Rs.8.25 (Rupees eight & twenty five paise) only are hereby invited by the undersigned from registered supplier/firms for supply the following materials under the scheme inputs supply in New Pond Construction under RKVY-RAFTAAR for the year 2019-20 along with call deposit/Bank draft from Nationalized bank in favour of District Fishery Dev. Officer, Udalguri @ 2% total value of supplied items (1% in case of SC/ST/OBC) as quoted rate. The tenders will be received up to 1.30 PM on 20.09.2021 and will be opened on the same day at 2.00 PM on 20.09.2021 in presence of the tenderers or their authorized representatives. The details terms and condition of tenders is available in the office which may be seen during office hours. Separate item wise tenders will be also accepted by the undersigned.

The undersigned reserves the right to accept/reject any tenders without assigning any reason thereof

Sl. No.	Items	Quantity	Rate (Rs)	Est/Imated Cost (Rs)	Remarks
1	Fish Seed (4"-5")	8000 Nos	Rs. 4/-	Rs.32,000.00	Inputs for fish in New pond construction under RKVY-RAFTAAR
2	Formulated fish feed (at least 22 % Protein)	1655.50 kg	Rs. 26/-	Rs.43043.00	Inputs for fish farming New Pond Construction under RKVY-RAFTAAR

Quantity may increase or decrease depending on the requirement of the scheme RKVY-RAFTAAR for the year 2019-20.

Sd/-
District Fishery Dev. Officer,
Udalguri.....BTAD

Janasanyog/C/5361/21

गोजा गलाब बिबार नौनि थाखायनो

बेन्जन बरगयारि

फालगुन दाननि जावलिआ बाराव ।
सानस'नो हायै लाइमोन बैसोआव
गुवार गोसोनि अन्नाय लानानै
मोजां मोन्दोमोन रजे
आं नोंखो जेब्ला ।
अब्ला, नों आंनि बायराब
देरानि लांगोनायाव बारदोमोन
सानसोनि गोजा गलाब बिबार ।
दिनै बै गोजा गलाब बिबारा बहा ?... ?
नाथाय , नोंदि बै सिखिफोरनि
गेजेरावसो बारहेनानै दं ।
आंनि बेसेबा गोजानावसो. ।
नों, मोदोम जायाखैथ',
सिखिफोरजों बिदै सोबजानो ।
बिबिदिनो, र'जे नोंखो आं
हास्थायदोमोन मोकथांआव ।
नाथाय नोंदि बावगारलांबाय
अब्लाबो आं नोंखो गोबोंजों
मोजां मोन्दोमोन...
जाफुं होनो थाखै....
नाथाय सानाखैमोन नों र'जे
आंनि अन्नायखो सैथो गोथार होन्ना ।
जाउनाव जानांबाय आं दिनै
लोगो गोमाजानाय दाउसा माउरिया
बिदिब्ला र'जे बुं बै समनि
अन्नाया बेसेन गैयामोन नामा ।
जानो हागौ आंदि गोरोन्थि
खालामबाय बिनि थाखाय नों
आंखो नेवसिगारनो हागौ ।
नाथाय, नोंबो इसेबां गिदिर
समाय लानायखो गियाखैसै ।
ना नों समायखो फिसा
होन्नासै सासनबाय नामा ।
ना फालगुन दाननि थिं थिं
सानुं दुंनयाव रानत्रिलांनो
हमबाय नामा बै गोजा

रजे नौनि थाखायनो
गोजोन गैला आंहा ।
नों मानो आंखो मिथिया
नों मानो आंजों एरा एरा ।
नोंनि बेदि आखलावनो
जाबाय आं बोदोर बावलि ।
रायज्जायनो सानो आं नोंजों
आंनि गोसोनि बाभ्राखो ।
नाथाय नोंदि आंजों एरा एरा
आं सानो, आंनि अननायखो
नोंनो होनो....
नाथाय नोंदि गुमुर होया ।
जाबाय आं नौनि थाखायनो
दिनै असु खुथु उसाव बादव
नाथाय नों मानो आंखो मिथिया
नोंनि बे बायदि आखलाआवनो
जाबाय आं दिनै फागला
नों मानो बुलिया-
नों मानो मिथिया ।
जाबाय आं नौनि थाखायनो
खाराव माराव ।
खहाबला जानो लोंनो
नोंनि थाखायनो ।
उन्दुनो आंखारला नौनि
थाखायनो सानबायथासै
सान हर । रजेया मानो
दुखु नांथाव आखल दिन्थियो
आं नौनि गोबोंनि अननायखो
अरायबो मोननो लुबैयो ।
आंबो आंनि अननायखो सिरि सिरि
नोंनो होदोंमोन रजे नाथाय
नों आंनो गुमुर होया
गोसोखांसै अराय नोंखौल'
हास्थायसै अराय नोंखौल' नौनि
थाखायनो जासै आं एखनवा
गोसो खांनो मोदैन बाना ।

लकनाथ नाजारी
ला:सो: पाटगाव
जिला-कक्राझार।

रंजालि गथ' फोरनि सौरा

दावहा

जादोंसै हनै
बर' हारिनि गेजेराव
गावजों गाव दावहा ।
बिसोरबो बैसोखो
नायनो हालिया
बैसोरबो बिसोरखो
नायनो हालिया जादों ।
बर' हारिनि गेजेराव
गावजों गाव दानलाय-सुलाय
मानि थाखाय मानि जाहोनाव
सोरखो लानानै
बर' हारिनि गेजेराव
गावजों गाव हारिजों हारि
दावहा जादों ।
नोंबो बर' हारि
आंबो बर' हारि
मानो जानांगौ
गावजों गाव दावहा ।
दावहाखो ब्राव गारनानै
हारिखो गोजो दैखांनो
खौसे जादो ।
बिदा-फंबाय बायदि
अनलायनांगौ ।
दुखुखो गारनानै
सुखुखो लाबो नांगौ ।
बर' हारिया खौसे जायाब्ला
गुबुन हारिजों नाखेब जागोन,
मुगै जागोन आरो मिन जागोन ।
बेनि खायनो बर' हारिया
गुबुन हारि बायदि खौसे जानांगौ ।
बर' हारिया जेब्लाबो खौसे जादों ।

गोसो थोफ्लांबाय आं

गोसो थोफ्लांबाय आं
नोंखो स'ना;
मा होन्नासै रायज्जायबावगोन आं
नोंखो लोगो मोनबोला सना ।
जाया नंड जाबाय नोंबो
सासे महर गोसा नोंबो
सासे महर गोसा सिखोला;
फसाया नंड फसायपलांबाय
आंनि जावलिआ गोसोआबो ।
गोजावनांबाय आं नौनि महरावनो
रायखोमा जानांबाय आं ;
सुबुजों हिनजावनि फागोला
बखि जानांबाय आं लामा-सामा ।
दोहो-दोहो खामगिल तांडो आंनि सोलेरा
दुखुनि मोदेंजों लोमसाव फैयो;
जेबोला नौनि हायना गोनां महरखो गोसोखांडो
हाया आं नोंखो बावनो हाया ।
नोंनि मिननाय नौनि रायज्जायनाय
दिनै नुयै गामोनबो नुयैनो;
गोसो थोफ्लांबाय आं नोंखो सना
नों मानि-दामानि ।
नाथाय नागिरै-नागिरै मोनबायमोन आं
सायखना नोंखौल बे जोनोमाव;
मोनहां-मोनाहां जागोना जाया
आंनि गोसोजों हास्थायनाया ।
बेयो आं अराय सम
नोंनि गुरै रावनि फिन्नाय सना;
आंनि गेग्रेब देरानि दरखांआव ।

आइअसिआ सा करियाखौ अलिम्पिकनिफ्राय सास्पेन्ड खालामबाय



सोद्रोमाखौ गनायथि मोन्नाय
भिजानि गेजेरजों तालिबाननि
खुंनय हदरनिफ्राय नागरनायाव
मदद खालामनायनिबो दाय
जाबसिन्दों । आइअसीआ
आफगानिस्ताननि आइजो आरो
लाइमोन आइजोफोरखो
गेलेनायाव बाहागो लानायनि
थाखाय
थासारिखौ
सामलायगासिनो दड आरो
अलिम्पिकनि चार्टर बायदिदै बै
आयदानि सायाव थांखि लानाय
जागोन । सा करियाखौ
एनअसीआ अलिम्पिक
इभेन्टनिफ्राय 2020 सिम
सास्पेन्ड खालामनो थांखि
लानायखो टकिय मेचनि उनाव

आइअसीआ गिबि बर्डनि
जथुम्मायाव थांखि लानाय
जादोंमोन । आइअसीआ
आफगानिस्ताननि आइजो आरो
लाइमोन आइजोफोरखो
गेलेनायाव बाहागो लानायनि
थाखाय
थासारिखौ
सामलायगासिनो दड आरो
अलिम्पिकनि चार्टर बायदिदै बै
आयदानि सायाव थांखि लानाय
जागोन । सा करियाखौ
एनअसीआ अलिम्पिक
इभेन्टनिफ्राय 2020 सिम
सास्पेन्ड खालामनो थांखि
लानायखो टकिय मेचनि उनाव

मुम्बाइ, 9 सेप्टेम्बर: सा करियाखौ सास्पेन्ड
आइअसीआ बावैसो सान सिगां
जोबलांनय टकिय अलिम्पिक
2020 मे चनिफ्राय
बेराफसैथिल' जानगार जानायव

14 नभेम्बरनिफ्राय राजस्तानआव गामियारि अलिम्पिक इभेन्टआ गिबियै खुंजागोन

जयपुर, 9 सेप्टेम्बर: टकिय
अलिम्पिक आरो
पेरालिम्पिकआव हदरनि
गेलेगिरिफोरनिफ्राय मोजाडै
जाफुंसारनाय मोन्नायनि उनाव
राजस्तानआव गेलेनायखो
दावगाहोने थाखाय गामियारि
अलिम्पिक खुंनो थांखि लाबाय ।
फैगौ 14 नभेम्बरनिफ्राय
जागयनो गोनां बै इभेन्टआव
राज्ज्योनि दर 50 रोजा गामि
आरो पन्चायतनिफ्राय 20
रोजानिबो बांसिन
गेलेगिरिफोरखो गावसोरनि
रोंगथिखो दिन्थिफुंनो खाबु
होनाय जागोन । बेनि थाखाय
सरकारआ राजस्तान ग्रामीन
अलिम्पिक खेल एपबो लन्व
खालामबाय । राज्ज्योनि गेलेमु
मन्थि अशक चान्दनाया गामिनि
सिडव थानाय रोंगथि गोनां



गेलेगिरिफोरखो सिनायथिनो
थाखाय बै इभेन्टखो खुंफुंनो
थांखि लादों होन्नासै फोरमायो
आरो थिखानाय बैसो लायाजासे
गासैबो बैसोनि सुबुडानो बै
इभेन्टआव दिन्थिफुंनो खाबु
मोनगोन होन्नासै फोरमायो ।
इभेन्टआव मोजाडै दिन्थिफुंनो
हानाय गेलेगिरिफोरनो बान्थाजों

लोगोसे सार्तिफिकेटबो होनाय
जागोन आरो बयनिखुइबो
साबसिनै गेलेनासै दिन्थिफुंनो
हानाय गेलेगिरिनो मोजां कचनि
रहा होनायजों माहारियारि आरो
हारिमायारि थाखोआव
दिन्थिफुंनयनि थाखाय थियारि
जानायनि रहा खालामना होनाय
जागोन । अशक चान्दनाया बुंदों,

राजस्ताननि गेलेगिरिआ
मोजाडै नो गेलेनासै
दिन्थिफुंनो गामि
ओन्सोलनि सिडव
थाखोमानाय रोंगथि गोनां
गेलेगिरिफोरखो सिनायथिनयनि
थांखिजों सरकारआ गामियारि
अलिम्पिक खुंफुंनयनि थांखि
लादों । फैगौ 2024 आरो 2028
नि अलिम्पिक आरो 2022 आरो
2026 आव जानो गोनां
कमनवेलथ एसियान गेम्सआव
राजस्ताननि गेलेगिरिफोरा
मोजाडै दिन्थिफुंनो हानायनि
थाखाय बै थांखिखो लानाय
जायो आरो खुंफुंजानो गोनां बै
इभेन्टआव बाहागो लानायनि
थाखाय गेलेगिरिफोरा
फोसावनाय एपआव रजिस्टर
खालामनांगोन होन्नासै सुबुरुन
होयो ।

जामुगुरियाव दुलाराय बाथौ महासभानि जर'खा मेल खुंनो लाहार-फाहार

भवानिपुर, 9 सेप्टेम्बर:
दुलाराय बाथौ महसभानि
मिरुयारि आफादिनि
बान्जायनायाव फैगौ 12
सेप्टेम्बरखालि बाक्सा जिल्लानि
जामुगुरियाव थानाय बा-राजा
बाथौ आस्रमायाव महासभानि
जर'खा सरासनस्त्रा मेलखो

खुंफुंनय जागोन । बै आयदायाव
साननि 10.00 रिंगानिफ्राय
जर'खा सरासनस्त्रा मेलखो
खुंफुंनय जागोन होन्ना दुलाराय
बाथौ महासभानि मिरुयारि
आफादिनि गाहाय नेहाथारि
बसन्त सर्गियारिआ गांसे रादाब
बिबुंसारनि गेजेरजों

फोरमायहरदों । सरासनस्त्रा
मेलयाव दुलाराय बाथौ
महासभानि गासैबो मिरुयारि
आफादिनि बिबानगिरिफोरजों
लोगोसे बाथौ महासभानि
मायनाव आफाद, लाइमोन
आफादिनि बिबानगिरिफोर,
दरफोमबो जिल्ला आरो दख'रा

आफादिनिफ्राय सा 20
थादैफोरखो नुजाथिफैनो थाखाय
बिबुंसारनि जोहै फोरमायहरदों
दुलाराय बाथौ महासभानि
मिरुयारि आफादिनि जानानै
गाहाय नेहाथारि बसन्त
सर्गियारिआ ।

टी-20 वर्ल्ड कापआव गिबि खेब सा 7 गेलेगिरिफोरा भारतयारि टीमनि जानानै दिन्थिफुंनोन

गोदान दिल्ली, 9 सेप्टेम्बर:
आइसिसि टी-20 वर्ल्ड काप
2021 नि थाखाय थांनय
बुधवार 8 सेप्टेम्बरखालि
भारतयारि टीमनि फारिलाइ
फोसावबाय 15 बोसोरनि उनाव
जानो गोनां आइसिसिनि मुंदांखा
बै इभेन्टनि थाखाय
बिसिसिआइआ सा 7
गेलेगिरिफोरखो सा 15
सोद्रोमानि टीमाव सोफादों,
जाय गिबि खेब टी-20 वर्ल्ड
कापआव गावसोरनि रोंगथिखो
गेलेनासै दिन्थिफुंनोन । भारतयारि
क्रिकेट हान्जानि
सायख'गिरिफोर टी-20 वर्ल्ड
कापनि थाखाय टीमआव रोंगथि
गोनां आरो लाइमोन
गेलेगिरिफोरखो सायख'फादों ।
सायख'जानाय सा 15
सोद्रोमानि भारतयारि टीमनि सा
8 गेलेगिरिफोरा टी-20 वर्ल्ड
काप गेलेनायनि रोंगथि गोनां
आरो आद्रा सा 7 गेलेगिरिफोरा



गिबि खेब हदरनि जानानै टी-
20 वर्ल्ड कापआव गावसोरनि
रोंगथिखो गिबियै
दिन्थिफुंनोन । सा 7 टी-20
वर्ल्ड कापआव गिबियै
दिन्थिफुंनोननि फारियाव
केएल राहुल, रिषभ पन्त,

सुर्यकुमार यादव, अक्षर
पाटेल, बरुण चक्रवर्ती, इशान
किशान आरो राहुल चाहुलनि
मुखा दड । आगदा आखाइथिं
बेटिं खालामगदा केएल
राहुलआ 2016 आव टी-20
सेन्सुरि लानायजों गासै
हारिमायारि क्रिकेटआव डेब्यु

खालामदोंमोन । बिधाडा
दासिमाव खेब 49 टी 20
हारिमायारि मेच गेलेनायाव
39 जौखोन्दीनिफ्राय खेब 2
सेन्सुरि आरो खेब 12 हाफ
सेन्सुरि लानायजों गासै
1557 रान खालामबाय ।

(1 बिलाड़िनफ़्राय)

गिबि मन्थिआ नाव जाब्रथाय जाथायनि सायाव माजुलियाव फैनानै जायगानि

सिबिथायखौ बन्द' खालामनाय जागोन। गावआरि खोन्दोनि फेरिफोरनि बिगोमाफोर मोनसे इन्जिनखौ मेरिन इन्जिनसिम सोलायनो नागिरदोँब्ला 75 जौखोन्दो साबसिटिजों राइज्यो सरकार 10 लाख राडै गथायगोन। गिबि मन्थि ७ हिमन्त बिश्व शर्माआ लोगोसे बुंभावदोँदि, आधिखालनिफ़्राय गं 4 इनलेन्ड वाटर ट्रेन्सपर्टनि पेरिखौ कमलाबारि आरो निमातिघाटयाव हान्था-मेला सोलिहोनायनि रहा खालामनाय जागोन आरो थाबेनो गंने फेरि माजुलिसिम दैथायहसनाय जागोन। बे फेरि सिबिथायनि आनगायैबो गं 2 रपेक्सनि सिबिथायखौ लानाय जागोन। बियो लोगोसे बुंभावोदि, गासै बोसोर नाडै-नो जेराव रपेक्स सिबिथायखौ लाखिबाय थानो हायो बेखौ राइज्यो सरकार थि खालामो। कमलाबारि आरो निमातिघाटनि गेजेराव बे सिबिथायखौ लाखिबाय थानायनि थाखाय ब्रह्मपुत्रनि दै सिडाव हा जावनानै बे दै लामाफोरखौ बे जाहाज हान्था-मेला सोलिहोनायनि थाखाय रहा लानाय जागोन। गिबि मन्थिआ बे हाबाफारियावनो बुंथिबावदोँदि, जरहाट आरो माजुलि जिल्लानि जिल्ला बेंगिरिफोर फेरि सिबिथायफोरखौ फिन थि खालामगोन। माजुलि जिल्लानि सासे आरो जरहाटनि सासे मेजिस्ट्रेटआ थि समावनो फेरि सिबिथायखौ थि खालामनायनि आयदाखौ नायसंगोन होनानैबो बियो बुडे। राइज्यो सरकार बे नावफोरव खामानि माननाय सुबुंफोरनि थाखाय देहा आन्जादनि थाखाय थि खालामनाय नेमखाथिफोरखौ लागोन। जरहाट आरो माजुलि फोनांजाब दालां लुफुंनायनि आधिखालनि थासारिनि आयदाखौ गिबि मन्थिआ फोरमायथियोदि, बेनि नांगो बायदि थांखि लानाया सोलिंगासिनो दं आरो फैगो नभेम्बर दाननिफ़्राय बे दालांनि लुफुंनाय खामानिया जागायजेनगोन। बे दालांआ फैगो 4 बोसोरनि गेजेराव आबुं जागोन होन्ना मख'नानै बियो बुंथियोदि, दालां लुफुंनायनि जौगानायनि थासारिखौ सावरयलायनायनि थाखाय सासे मन्थि आफाद दानाय जागोन। गिबि मन्थिआ बे जाब्रथाय जानायाव गुवाहाटीनि काहिलिपारानि परिमिता दासआ रंसारि जानायाव दुखु मोन्नाय फोरमायदों। बियो लोगोसे बुंथिबावोदि, पुरिमिता दासनि बिमा-बिफाखौ गाव लोगो हमगोन आरो राइज्यो सरकारनिफ़्राय बिसोरनो नांगो बायदि गासैबो रोखोमनि हेफाजाब-मदत होगोन।

दिनैनि बे नायसंनाय समाव हान्था-मेला मन्थि चन्द्र महन पातवारि, रिभेनित एन्ड डिजेस्टर मेनेजेमन्ट बिफाननि मन्थि जगेन महन, मोब्लिब मन्थि बिमल बरा, एमपिफोर तपन गौं आरो प्रधान बरुवा, एमएलएफोर फारियै हितेन्द्र नाथ गस्वामि, भबेन भगलि आरो रेनु पमा राजकवा, पुलिस सामलायगिरि गाहाय भस्करज्योति महन्त मोनहाबो दंफायोमोन।

गुबुन फारसे गिबि मन्थिआ दिनै जरहाट फाहामथाय फरायसालिमा आरो फाहामसालिआव नाव जाब्रथाय जानायाव जोखोम जानाय सुबुंफोरखौ नायसंफैनानै देहानि थासारिखौ मिथिनानै लायो। बियो फाहामगिरिफोरखौ गोजौ थाखोनि फाहामथाय होनोबो बिथोन होयो। नाव जाब्रथाय जानाय समाव जाब्रथायजों मोगा-मोगि जानांनाय दावबायारिफोरखौ बोखानाय खामानिखौ गोखोंथार खालामनानै सुबुंथि नोजोर आरो साहज दिन्थिनय जायगानि सुबुंफोरखौबो गिबि मन्थिआ हामलायथि बाउदों। बेनि उनावनो गिबि मन्थिआ दिनै माजुलियाव नुजाथि फैनानै आसु, टिएमपिके एजेवाइसपिकेफोरजों लोगोसे गुबुन गुबुन आफादफोरनि थादौफोरजों सावरयलायनानै बिसोरो बाश्रा मख'ना होनाय आयदाफोरखौ मिथिनानै लायो। बे आयदायाव गिबि मन्थिआ बाश्रा होनानै बुंथियोदि, दावबायारिफोरनि रैखाथिखौ थि खालामनाय, कमलाबारि आरो निमातिघाटनि गेजेराव फेरि सिबिथायखौ रैखाथि गोनां सोलिहोनायनि थाखाय राइज्यो सरकार नांगो बायदि रहा लागोन। गिबि मन्थिआ लोगोसे बुंथिबावोदि, गंफ्रोमबो नावयाव साबसे दावबायारिफोर थानो हागोन बेखौ थि खालामनानै होनायजों लोगोसे बे बिथिडाव थि नायसंनायनि रहा लागोन। जेब्ला माबेबा नावआ थि खालामनायनि अन्जिमनिखुइ बांसिन दावबायारिफोरखौ हान्था-मेला खालामनायाव लाडेब्ला अब्ला गोखों रहा लानाय जागोन होनानैबो गिबि मन्थिआ बुंथियो। दिनैनि बे बाश्रा सावरयलायनाय समाव हान्था-मेला मन्थि चन्द्र महन पातवारि, रिभेनित एन्ड डिजेस्टर मेनेजेमन्ट बिफाननि मन्थि जगेन महन आरो मोब्लिब मन्थि बिमल बराआबो दंमोन।□

ए वि एम सुआ बाडाय सुबुं सानखोनि सोलौंथाय जेंनाखौ बोस्रानायनि दाबिजों गोसोखालाइ गथायदों

गोजौसिन गेजेर फरायसालि आरो फरायसालिमाफोराव मासिनि अन्जिमनाखौ बांहोनायनि रहा लानानै साफ्रोमबो फरायसुला-फरायसुलिनो गावनि महकुमा एबा जिल्लयाव सोलौंथाइ लानो हानायनि खाबु होनायनि रहा लानो दाबि दैखाडे। लोगोसे एबिएमसुनि मिरु आफादनि गाहाय नेहाथारि ताइसन हुसेइनाआ गोसोखां लाइनि गेजेरजों बाडाय सुबुं सानखो मैखोम ओन्सोलाव सरकारि गुदि फरायसालिनि लुफुंथायनि गात्रि थासारि आरो फरायसुला-फरायसुलिनि रुजुथायाव फोरेंगिरिनि अन्जिमाया खम जालांनायनि सायाव गोनांथार अजद दैखानानै बि टि सि ओन्सोलनि गंफ्रोमबो गुदि फरायसालिनि लुफुंथायनि जौगाथाय आरो फरायसुला-फरायसुलिनि रुजुथायाव फोरेंगिरि थिसननायनि रहा लानो दाबि दैखाडे। सरकार बाडाय सुबुं सानखो हारिनि फरायसुला-फरायसुलिनि थाखाय होनाय सोलौंथायारि अनसुंथाय खाबुनिफ़्राय जानगाराव थानांनायाव दुखु मोन्नाय फोरमायनानै थाबेनो अनसुंथाय होनायनि रहा लानाय, बि टि सिआव बाडाय सुबुं सानखो मैखोम ओन्सोलाव गोजौ सोलौंथाइ फसंथान गायसन्नायनि रहा लानाय, बि टि सिआव सरकारि गनार्यथिजायै सोलौंथाइ फसंथानफोरखौ सरकारि खालामनायनि रहा लानाय आरो फरायसालि सामब्लाय कमिटिफोरखौ दानायनि बिथिडाव सरकारा गोखों नेम-खाथि खानानै होनांगौनि दाबि दैखाडे।

चिराडाव कभिड-19 नि प्रटकलखौ मानिनानै सोलिनो गलादारफोरनिसिम जिल्ला खुंथायनि

खुंथाया फोसावनाय बिथोन बायदिदै, आबुडै एबा सेथि आरो नैथि कभिड भेक्सिननि डज लानाय गलादारफोरसो चिरां जिल्लयाव गावबा-गावनि गलाफोरखौ थिखानाय समनि गेजेराव खुलिनी हागोन। साफ्रोमबो गला बिगोमाफोरा बायगिरिफोरनिफ़्राय खमैबो 6 फुट जान्थायनि समाजयारि जान्थायखौ लाखिनांगोन आरो गला सिडाव सा 5 बायगिरि एबा ग्राहकफोरखौ सोनो हानाय नडा। साफ्रोमबो गलादारफोरा गावबा-गावनि गलाफोरव सेनिटाइजर आरो हेन्डवास दोननांगोन। लोगोसे साफ्रोमबो बायगिरि एबा ग्राहकफोरनि थाखाय समाजयारि जान्थाय आरो मास्क गान्नायनि बिबानआ बायगिरिफोर आरो गलादारफोरनाव थानांगोन। जुदि बायगिरिफोर आरो गला बिगोमाफोरा जिल्ला खुंथायनि होनाय बे बिथोनखौ मानिब्ला बिसोरनि हेंथायै गोखोडे आइनिन रहा लानाय जागोन। सोलिफु गिखंथाव करना महामारिनि थासारिखौ नोजोर लाखिनानै चिरां जिल्ला खुंथाया राइजो-राजाफोरनि रैखाथिनि थाखाय हरखाबै बे बिथोनखौ फोसावदों।□

आसाम-मिज'राम सिमा जेंनाखौ बोस्रानायनि सायाव मिज'राम एसेमब्लिआव सावरयलायदों

आसाम-मिज'राम सिमाजों लोमोन्दो गोनां फोरमान लाइ आरो ट'प चितफोरखौ बुथुमनानै रज्यो सिमानि सायाव नायबिजिरासिनो दं होनानै लालचामलियानाआ बुडे। मिरु नखर बिफाननि बिथोन बादिदै रज्यो सरकारा सासे नडेल बिबानगिरि थिसनानै सिमा जेंनानि सायाव मोनसे रिपटखौ गथायखांबाय होनानै बिथाड बुंभावो। नखर मन्थिनि बादिब्ला रज्यो सरकारा सिमा जेंनानि सायाव मिज'रामनि थाथायखौ मदद होनो गोनांथार पोरमान लाइफोरखौ जथायनो थाखाय मोनसे हान्जाखौ दानाय जादों आरो बेनि रिपटखौ मन'हर पारिकर इन्स्टिटुट अफ डिफेन्स स्टुडिसनिफ़्राय दावबायफैनो गोनां रौंगोसार हान्जानि सिगाडव गथायनाय जागोन। बे सिमा जेंनाखौ सुस्रानो थाखाय लेडाय गिबि मन्थि तावनलुयानि दैदेनायाव गासै राजखाथि हान्जा आरो एन जि अ फोरखौ लानानै मोनसे सिमा कमिटिबो दानाय जादों होनानै लालचामलियानाआ बुडे।

(1 बिलाड़िनफ़्राय)

डा: रबि बर' देहा फाहामसालियाव रां दाबि खालामनायनि अजद

गथायनानै होयाब्ला फाहामगिरिया गथ' जोनोम होनो गोनां आइजोफोरखौ फाहामथाय होया। गथ'सा जोनोम होनायनि फाहामथायाव फाहामगिरि, नासंफोर आरो सुइफोरफोरनो रं गथायनांगौ जायो। मिथिनो मोन्नाय बायदिदै सोरबा सासे गोबोंयाव थानाय आइजोनि सिजारियानि थाखाय फाहामगिरिनो बा रोजा, फाहामगिरिजों थानाय नासंनो नै रोजा रंजों लोगोसे माखासे कसां खालामनो गोनां जायो। मख'नो गोनांदि, सप्ताहसे सिगां मुसलपुरनि सासे गोबोंयाव थानाय आइजोखौ गथ' जोनोम जाहोनायनि सोलायै फाहामसालिनि देका बिबुंनि फाहामगिरिया बा रोजा, फाहामगिरिजों लोगोसे थानाय नासंआ नै रोजा रं लादों। जायनि थाखाय बेखौ लाना मुसलपुराव फिनजाथाय सोमजिदों। लोगोसेनो सिजारियानि खालामजानाय आइजोफोरनि थाखाय फाहामथायनि मुवा-बेसादफोरखौ बाइजोनिफ़्राय बायनो गोनां जादों। मख'नो गोनांदि, बेनि सिगां बे बिमुंनि फाहामगिरिनि हेंथायै गोबां अजद ओंखारदोंमोन। लोगोसेनो सरासनखा गथ'सा जोनोम जाहोनायनि फाहामथाय होनायावबो नख'रिनिफ़्राय 1,500 रंनिफ़्राय नै रोजा रं दाबि खालामो होनानै मिथिनो मोन्नाय जादों। बेफोरनि थाखाय निखावरि सुबुंफोरा गोबां जेंनाजों मोगा-मोगि जानादों होनानै सुलुडव मिथिनो मोन्दों।□

बड'लेन्ड मुलुग सोलौंसालि मिरु बिजाव बाखिनो गां

गासै गां 1801 बिजाव दान होनायखौ आजावनानै लानायनि थाखाय बड'लेन्ड मुलुग सोलौंसालिनि भाइस चेन्सेलर प्रफेसार लाइस्त्राम लादु सिनिंसिम साबायखर जासियो। मख'नो गोनांदि, दिनै गथायनाय बे गां 1801 बिजावफोरा बर' थुनलाइनि बाखिखौ फोजौखानाय लोगोसे फरायसाफोरनि गियान आरजिनायफोरनि थाखाय मैखोमै बिहोमा होनो हागोनखौ मिजिंथिनो हाथाव। एँहाय बड'लेन्ड मुलुग सोलौंसालिनि लाइब्रेरियान आइ सि कगेन कलिताया बे मुलुग सोलौंसालिनि बिजाव बाखिनि थाखाय बिजाव दान होनायनि थाखाय बिथां कौसल्या ब्रह्म आरो बिथां ब्रह्मनि नख'रिनिंसिम बड'लेन्ड मुलुग सोलौंसालिनि मिरु बिजाव बाखिनि जानानै साबायखर जासियो।□

खाहिलिपारायाव कभिड भेक्सिन थुग्रा मिरु बेखेवदों

काबि-आलं, खोला सालमारा, उदालगुरि, सोनाब काबि आलंयाव जरखायै गोनांथि थांखि आजावना लादों। मख'नो गोनांदि, गासैबो सुबुंफोरखौ लाफानायनि थाखाय 24 घन्टा सम नाडै खुलिनानै थानाय कभिड भेक्सिन थुग्रा मिरु, दावबायग्रा भेक्सिन थुग्रा गारि / नाव बायदिफोरखौबो रहा लानाय जादों। फारसेथिं राष्ट्रिय स्वात्य अभिजाननि बिथांखि सामलायगिरि डा' लक्ष्मनन एसआ 8 सेप्टेम्बरखालि अक्टनिफ़्राय खाहिलिपारायाव मोनसे भेक्सिन थुग्रा मिरुखौ हाबाफारि बायदिदै बेखेवनानै होदों। हाबाफारियाव देहा सिबिथाय (नख'र अन्साय) नि सामलायगिरि मनिन्द्र नाथ डते, लेडाइ जिल्ला बेंगिरि (मेट्र) गुनुजित राय चौधुरि, लेडाइ गाहाय फाहामथाय आरो देहा बिबानगिरिमोनजों लोगोसे खायसे गागि बिबानगिरिफोरा नुजाथिफैदों। मख'नो गोनांदि, बे मिरुफोराव बेसेन नाडै कभिड भेक्सिन थुनायजों लोगोसे 24 घन्टा नाडै खुलिनानै थानायनि रहा लानाय जादों। फारसेथिं मख'नाय दर 9 जिल्लयाव सा 40 सोद्रोमनि हान्जाया दावबायग्रा गारि आरो नावनि जोहै गोथौ जायगा ओन्सोलफोरवबो थाबेनो भेक्सिन गथायना होनायनि खामानिखौ जागायना होगोन।□

जामुगुरियाव दुलाराय बाथौ महासभानि जर'खा मेल खुंनो

गाहाय नेहाथारि बसन्त सर्गियारिआ गांसे रादाव बिबुंसारनि गेजेरजों फोरमायहरदों। सरासनखा मेलयाव दुलाराय बाथौ महासभानि गासैबो मिरुयारि आफादनि बिबानगिरिफोरजों लोगोसे बाथौ महासभानि मायनाव आफाद, लाइमोन आफादनि बिबानगिरिफोर, दरफ्रोमबो जिल्ला आरो दरख'ग आफादनिफ़्राय सा 20 थादौफोरखौ नुजाथिफैनो थाखाय बिबुंसारनि जोहै फोरमायहरदों दुलाराय बाथौ महासभानि मिरुयारि आफादनि जानानै गाहाय नेहाथारि बसन्त सर्गियारिआ।□

आसामआव राइज्यो सभा मासिनि उफ्रा बिसायख'थिआ

बिसायख'थिनि अक्ट'खौ दिनै बृहस्पतिवारखालि फोसावबाय। मोन 7 राइज्यो सभानि मासिनि गेजेराव आसामनिफ़्रायबो मोनसे मासिनि बिसायख'थिया खुंजानो गोनां। बिसायख'थि आयगआ फोसावनाय मोनसे फोसावथि बायदिब्ला तामिलनाडुआव मोनै मासि, सोनाब बंग'आव मोनसे, आसामआव मोनसे, महाराष्ट्रआव मोनसे, पुडुचेरियाव मोनसे आरो मध्य प्रदेशयाव मोनसे मासिनि थाखाय राइज्यो सभानि उफ्रा बिसायख'थिया खुंजागोन। बे गासै मोन 7 राइज्यो सभानि थाखाय उफ्रा बिसायख'थिया फैगो 4 अक्ट'बरखालि खुंजागोनखौ हादतनि बिसायख'थि आयगआ दिनै मोनसे फोसावथिनि गेजेरजों फोरमायथिदों। मख'जाथावदि, आसामआव सोलिफु आसाम आइन आफादनि बुंथिगिरि बिश्वजित दैमारिआ राइज्यो सभानि एमपि बिबानखौ नागारनायनि उनावनो बे मासिया लांदां जानानै दंबोयो। बेनिखायनो बे खेबनि राइज्यो सभानि मासिनि थाखाय बि जे पिआ आधिखालनि मिरुनि मन्थि आरो आसामनि बारग' गिबि मन्थि सर्बानन्द सनवालखौ बिजाथि महरै सायख'नो हागौखौ मोनसे सुलुंनिफ़्राय मिथिनो मोन्नाय जादों।

आसाम सुबुं सिबिथाय आयगनि आन्जाद, 2020 खौ खुंफुंनो साखा-फारा जादों

गिबि ड'ज लाखांबाय बिसोरो कभिडनि आरटि-पि सि आर/आर ए टि आन्जाद खालामनायनि रिपटखौ आन्जाद मिरुआव लाबोफाया लासेनो भेक्सिन थुनायनि फोरमान बिलाइनि फट'कपिखौ लाबोफानो नांगोन। जाय बिजाथिफोरा दासिमबो कभिड भेक्सिन लायाखै बिसोरो आन्जादाव जिरायनायनि 72 घन्टानि सिगां आर टि-पि सि आर आन्जाद एबा आन्जादनि 42 घन्टानि सिगां आर ए टि आन्जादनि रिपटखौ आन्जाद मिरुआव लाबोफानो नांगोन। बिजाथिफोरा फेस मास्क, फेस सिल्ड, हेन्ड ग्लभस आरो समाजाति जान्थायखौ मानिनांगोन। बिजाथिफोरा 60 मिलिलिटरनि सेनिटाइजरनि बथलखौ लोगोआव लाफानो हागोन। साफ्रोमबो बिजाथिफोरखौ थामेल स्केनि खालामनाय जागोन। बिजाथिनि देहानि बिदुडा बांखाडीब्ला आलादा आन्जाद होग्रा ख'थायाव आन्जाद होनो हानायनि रहा लानाय जादों। कभिड सन्देरजानाय बिजाथिया आन्जाद होनो हानाय नडा। गासैबो बिजाथिफोरा आन्जादनि खमैबो 1 घन्टा सिगां आन्जाद मिरुआव नुजाथिनो नांगोन। आन्जादखौ जागायजेननायनि 30 मिनिट सिगां आन्जाद होग्रा ख'थायौ बेखेवनाय जागोन। आन्जाद जागायजेननायनि 20 मिनिट उनाव सासेबो बिजाथिफोरखौ आन्जाद ख'थायाव हाबनो होनाय नडा। बिजाथिफोरा आन्जाद होनायाव निला एबा गोसोम गावनि कलम बाहायनो हागोन। नाथाय पेनसिल, दैनि बथल, बिजाब, मबाइल फन, घडि, केलकुलेटर, केमेरा, ब्लुटुट बायदि मोनबो रोखोमनि इलेक्ट्रिक बेसादफोरखौ लानानै आन्जाद ख'थायाव हाबनो हानाय नडा।

बे सावरय मेलाव जिल्लानि कभिड भेक्सिन थुनायनि सोमोदौबो सावरयलायनाय जायो। जिल्लयाव 3 लाख 58 रोजा सुबुंखौ कभिड भेक्सिन थुनायनि थांखिजों दिनैसिम गासै 2 लाख 20 रोजा सुबुंखौ भेक्सिन थुनाय जादों आरो खमैबो 1 लाख 30 रोजा सुबुंखौ भेक्सिन थुनो आद्रा दंबावो। बेनिखायनो आद्रा थानाय सुबुंफोरखौ भेक्सिन थुनो थाखाय जिल्लानि गासैबो देहा फाहामसालि आरो सावसि मिरुफोरखौ कभिडनि भेक्सिन मिरु महरै दानानै 10 सेप्टेम्बरनिफ़्राय कभिड भेक्सिन थुनो जिल्ला बेंगिरिआ जिल्ला सावसि बिफाननि बिबानगिरिनो बिथोन होयो। जिल्लानि जायफोर सुबुडा दासिमबो कभिड भेक्सिन लायाखै बिथांमोनखौ भेक्सिन लानो थाखाय जिल्ला बेंगिरिआ खावलायहरो। मेलाव चिरां जिल्लानि एडिसेनेल जिल्ला बेंगिरि, लोगो कमिसनार, जिल्ला पुलिसनि एस पि आरो गुबुन गुबुन बिफाननि बिबानगिरिफोराबो बाहागो लादोंमोन।

उफ्रा बिधान सभा बिसायख'थियाव जि एस पिआ बादायगोन: एम पि शरनिया

क्लाबयाव मोनसे खौरंगिरि मेल हांखायनायनि गेजेरजों बिथां शरनियाआ फैगासिनो थानाय उफ्रा बिधान सभा बिसायख'थियाव बि टि सिनि जिल्लाफोराव हारसिडै बिजाथि फसंगोननि फारसे रोखायै फोरमायथिदों। बिथाड फोरमायथिदोंदि, बि टि सिनि गुबुन गुबुन जिल्लाफोराव गामियारि थाखोयाव दावबायनाय आरो नायगिदिनायनि गेजेरजों जि एस पि दोलोआ खुंजानो गोनां बिधान सभा बिसायख'थियाव बादायनो थाखाय साखा-फारा जागासिनो दं। जरखायै गसाइगाव आरो तामुलपुर बियाबयाव जि एस पिआ बिसायख'थि गेलेनो थाखाय थियारि जादों। बिथाड दाबि खालामबावनाय बायदिब्ला बि टि सिआव सोलिफु इउ पि पि एल-बि जे पि-जि एस पिनि जुथाय सरकारा 5 बोसोर समनि थाखायल' जागोन। मानोना राजखाथियारि थासारिया अरायथा समनि थाखाय नडा। फैगो 5 बोसोर समनि थाखाय इउ पि पि एल-बि जे पि-जि एस पि जुथाय सरकारा गासैबो हारि-माहारिनि थाखाय समान जौगाथायनि थाखाय खामानि मावलानो नाजागोन। लोगोसे बावैसो सिगां सशियेल मिडियाआव हाग्रामा महिलारीजों सावगारि सेबखांजानाया गोखोडै गोसारनाय आयदानि फारसे सौथि सौनाय बुक्लियाव एमपि शरनियाआ हाग्रामा महिलारीजों सोमोन्दो लाखिनायनि बाँै थोंजोडै नेवसिगारो। बिथाड फोरमायथियोदि, दासिमाव जि एस पिआ जायखि-जाया राजखाथि हान्जाजोंनो लोगो जानाय एबा गोरोबथा जानायनि सायाव थि थांखि लानाय जायाखै। जुदि गोनांथि जायोब्ला फैगो समफोराव राइजो-राजाफोरनि सिबिथाय आरो ओन्सोलाव जौगाखांहोनायनि सार्थआव गुबुन राजखाथि हान्जाजों लोगो जानो हागौ होनानै एमपि शरनियाआ फोरमायथिबावो। दिनै खौरंगिरि मेलनि गेजेरजों बिथां शरनियाआ जरहाट जिल्लयाव ब्रह्मपुत्र देमायाव नाव गोदोनाय जाथायनि सायावबो गोथौवै दुखु मोन्नाय फोरमायथियो।□

आवदां दालायसा एवसु आरो दावराय एनजिअआ जुथायै सोलौंथायारि आरो समाजयारि सांग्राथि

फरायसा फरायसुलिफोरा माबायदि फरायनांगौ बेफोरखौ नोजोर बोनानै गुवरै बिबुंथि लाखिलाडे बाहागो लाफैलाय गाहाइ आलासि लोरगि थियेटरनि बिथोनगिरि मानगोनां केसक मोसाहारीआ। बेफोर गासैबो थासारिनिफ़्राय जों माबायदि सांगा जानांगौ आरो बेफोरनिफ़्राय माब्रैहायबा बारग'नो हायो बेखौ नोजोर बोनानै फैला जे बरगयारिनि बांबुला फिल्म प्रडाक्सनजों दिहनुजानाय 'बिस' (The Poison) बर' सावथुनखौ दिनथिफुंनानै होनाय जायो। बे हाबाफारियाव गाहाय आलासि महरै बाहागो लाफैयो रामफलबिल गोजौ फरायसालिनि फोरेंगिरि, त्रिपुरा Tie (NSD) सोलौंथाय लानानै फैनाय केसक मुसाहारी, दावराय फाउन्डेसन एनजिअनि आफादगिरि असिन्थ नार्जारि, कक्राझार जिल्ला एबसुनि सुबुं फोनांजाव नेहाथारि मनमहन हजवारीजों लोगोसे सा कक्राझार दरख'रा दुलाराय बर' फरायसा आफादनि आफादगिरि मनिफाल ब्रह्म गाहाइ नेहाथारि बिफुल ओवारी, बोसोनगिरि मनिन चन्द्र ब्रह्म कक्राझार जिल्ला एबसुनि सासे नेहाथारि सिबिसन नार्जारि बिथांमोनहा बाहागो लादोंमोन।□

सोर्गोसि संगित बिद्या निकेटननि रुफाथि माइथाय फोर्बो फालिथाइनि रायदाव आफाद दादों

कक्राझार, 9 सेप्टेम्बर: थानाय 8 सेप्टेम्बरखालि महापुरुष श्रीमन्त शंकरदेबनि थैनाय सानजों लोगोसे मुंदांखा मेथाइ खनगिरि ७ भुपेन हाजरिकानि गोथार जोनोम सनाव आसाम थुनलाइ आफाद कक्राझार दालाइ थुनलाइ आफादनि मावखुलियाव साननि 2 रिगासो समाव फैगो 2022 बोसोख खुंफुंनो गोनां सोर्गोसि शंगित बिद्या निकेटननि रुफाथि माइथाय फालिथायनि रायदाव आफादखौ दानाय जायो। हाबाफारि बादिदै गिबियावनो गासैबो ७ भुपेन हाजरिकानि सावगारियाव मान बाउवो। सामब्लाय आफादनि आफादगिरि परमेस्वर चौधुरीआ आलारि बाथि फोजोडै।बेनि उनाव थुनलाइ-हारिमुनि मुंदांखा मावथि कृष्णा बागसि आरो खन्जना ब्रह्मनि रूसारि जालानायनि थाखाय दुखु फोरमायनायजों लोगोसे बिथांमोननि जिउमनि अराय गोजोननि थाखाय आरो गोसोखां बिजाब'सोर्बोसि'नि गाहाय नेहाथारि राजु कु मार



आर'ज गाबो। सोर्गोसि शंगित बिद्या निकेटननि सोलौंसाफोरा बेखेवजेन्नाय मेथाइ 'तुरे मुरे आलोकरे जात्रा' मेथाइजों हाबाफारि बेखेवनाय जायो आरो बराय आफादनि आफादगिरि राजकुमार ब्रह्म आरो गाहाय नेहाथारि सतत डेकानो बिबानखौ गथायनो होयो। बेजों लोगोसेनो मावफुं आफादगिरि भुपेन चन्द्र दासनो रंखाथियारि बोसोनगिरि, ब्रजेन्द्र कुमार बसुमारि जिउमनि अराय गोजोननि थाखाय आरो गोसोखां बिजाब'सोर्बोसि'नि गाहाय नेहाथारि राजु कु मार

सामब्लाय आफादनि मावफुं आफादगिरि प्रदिप कुमार सुत्रधरनि सामब्लायनायाव खुंफुंनाय बेमेलाव हांखायजानाय आलासिफोरजों लोगोसे संगित बिद्या निकेटननि गायसनिगिरि गोरायुं गलक ब्रह्मआबो हाबाहो लानानै बेसेन गोसा बिबुंथि लाखियो। गासैबो हारि-माहारि, धोरेमारि सुबुंफोरा बाहागो लाफैनाय बे हाबाफारिनि जोबथा बुक्लियाव खुंफुंनो गोनां रुफाथि माइथाय पोर्बोखौ जाफुंसार महरै खुंफुंनो थाखाय इंसोरनिंसिम आरज गावहरो।

अक्षय कुमारआ गावनि जोनोम सानआव बिमाखौ गोसोखांनानै दुखुनि पस्ट होदों

गोदान दिल्ली, 9 सेप्टेम्बर: बलिउडनि मुंदांखा फावखुंगुर अक्षय कुमारआ गावनि जोनोम साननि खाबुआव गावनि बिमा अरुना भाटियाजों मोनसे सावगारि शेरार खालामदों। बे सावगारिजों अक्षय कुमारआ गावनि बिमाखौ गोसोखांनानै दुखुनि लिरथि लिरनानै होदों। मख'नो गोनांदि, फावखुंगुर अक्षयनि जोनोम साननि सानसे सिगां एबा 8 सेप्टेम्बरखालि बिनि बिमाया रंसारि जादोंमोन। जेराव फावखुंगुरि बिमाया माखासे समनिफ्रायनो बेराम जानानै दडमोन आरो बावैसो सान सिगां बिखौ मुम्बाइनि पबयआव थानाय हियनन्दानी फाहामसालिआव थिसन्याय



जादोंमोन। फावखुंगुर अक्षय कुमारआ जाय सावगारिखौ शेरार खालामदों बेयाव नुनो मोन्दोंदि, बिनि बिमाया फावखुंगुरनि खावलायाव खुदुमदोंमोन। बेयावनो अक्षयआ गावनि गोसो

सिनिफ्राय मोजां मोन्यायखौ आजिनानै लानायखौ सावगारिआव नुनो मोन्दों। बे सावगारिखौ शेरार खालामनानै अक्षयआ केप्सनआव लिरना होदों-बेखौ बेबादि रोखोंमै

माब्लाबाबो मोजां मोनाखै जानांगौ। नाथाय आंहा फोथायनाय दडदि, आयआ आंखौ सोगॉनिफ्राय हेंपि बाथडे हर्दों! नोंथांमोन्नो दुखु आरो मोजां हामलायनायनि थाखाय साबायख'र बाउहरबाय। जिउ खानाया सोलिबाय थायो। गुबुन फासँ फावखुंगुर अक्षय कुमारनि पस्टखौ लानानै फावखुंगुरि बिपाणा बसुआ रेड हार्ट इमजी कमेन्ट खालामदों। बेयावनो जेकलिन फानांन्डिजआ कमेन्टआव अक्षयनो जोनोम साननि हामलायथि हरदों।

लोगोसेनो फावखुंगुर पुलकीट सम्राट आरो सफी चौधुरीमोनहा कमेन्ट खालामहरना बिनि बिमाखौ आखाइ खबजवनानै मान बाउहरदों। मख'नो गोनांदि, अक्षय कुमारआ गावनि बिमाजों गोरोबलायनानै थायोमोन आरो गावनि बिमाखौ जोबोद जोथोन लायोमोन। मुखुव समनि गेजेरावबो बियो गावनि बिमानि थाखाय सम दिहुनोमोन आरो बिखौ दावबायनो लांफायोमोन। 2019 माइथायाव लन्डननि लामाफोराव गावनि बिमाजों गिदिंथिनाय नुनो मोन्दोंमोन। बियो मोनसे भिडिअ फोसावनानै लिरना होदोंमोनदि, बिमाजों लन्डनआव माखासे सम थांगारहोनायनि थाखाय सावगारि सेबखानायखौ गोरोबहोदों। नोंसोरो गाव-गावनि जिउआव जेसेबां मुखुव जायामानो आरो सिगांलांबाय था। माब्लाबाबो बावगारनो नाडदि, बेफोरो गात्रि जागोन। जेब्लायबो बिजों सम थांगार हो।

कंगना रनटआ थलाइबी सावथुनखौ नायफैनो आर'ज खालामहरदों

गोदान दिल्ली, 9 सेप्टेम्बर: बलिउडनि फावखुंगुर कंगना रनटखौ गावनि गोसो हांखुर जानानै नेबाय थानाय सावथुन थलाइबीजों सावथुन हलफोराव नुनो मोनसिगोन। रिलीस जानायनि सिगाडवनो सुलुडव मोजां मोनजानाय एबा अन्सायजानाय कंगनाया जोबोद मोजां मोन्याय दड। फैगौ 10 सेप्टेम्बरखालि सावथुन हलफोराव रिलिज जानो गोनां थलाइबीआव बलिउडनि रानी बिमुं मोन्याय कंगनाया आगुनि फावखुंगुरि आरो रंसारि जे जया ललितानि आखुआव फाव दिन्थिगोन। बे आयदायाव कंगनाया नायगिरि, अन्सायगिरिफोरखौ सावथुनखौ नायनो थाखाय ससेल मिडियाआव आर'जबो खालामदों। कंगना रनटआ थलाइबीनि रिलीज जानायनि सानसे सिगां इनस्टाग्रामआव पस्ट खालामनानै लिरदोंदि, 2 बोसोर सिगां, आं सावथुन मुलुगआव भारतनि बयनिखुडबो गोजौ थाखोनि आइजोफोरनि गेजेराव सासेनि फाव दिन्थिनो दावबायनायखौ जागायदोंमोन। जॉनि लामाफोराव माखासे होबथानाय आरो जेंनाजों मोगा-



मोगि जानांदोंमोन। नाथाय आं आरो आंनि हान्जाया जया आम्मा आरो सावथुननि थाखाय सन्थौफोरखौ सिगांहोदों। बे शुकुबार, जॉनि सावथुनआ गुबै आयदायाव नायगिरि-अन्सायगिरिफोरनिसिम सौहैसिगोन। नोंसोरो साखाथिनि थियेटरआव नायहै। आं सिगांनिफ्रायनो सावथुननि थाखाय नायबिजिनानै गोसो मोजां मोन्याय दड। सिगांग्रो बुकिं खालामनाया जागायबाय। नोंसोरो टिकेटफोरखौ बायदो आरो सावथुन हलफोराव आम्मा जयाललितानि गेदेमा सल 'फोरखौ नायना गोजोन्नाय लादो। मख'नो गोनांदि, थलाइबी सावथुनआ

सावथुन हलफोरजों लोगोसे मोननै अटिटि प्लेट फर्मआव रिलिस जागोन। बे सावथुनखौ नेटफ्लिक्स आरो एमेजन प्राइमआव रिलिस खालामनाय जागोन। बे आयदाया गिबि खेब जागोन, जेराव माबेबा सावथुनआ खौसेयैनो मोननै अटिटि प्लेटफर्मआव खौसेयै रिलिस जागोन। खौरांफोरनि बादिब्ला, बे सावथुननि इस्टसखौ 55 कौटि राडाव फान्दों। बावैसोआव कंगना रनटआ मोनसे बिडिअ फोसावनानै सावथुन हलफोरनि बिगोमाफोरखौ बिखौ बांसिनथार दिन्थिनो थाखाय आर'ज गावदों।

गोदान दिल्ली, 9 सेप्टेम्बर: बलिउड सावथुन मुलुगनि गुबुन सासे मुंदांखा फावखुंगुर सिद्धार्थ शुक्लानि थैनायनि उनाव बिनि अन्सायगिरिफोरा बिजों सोमोन्दो थानाय गोसोखांथि आरो सावगारिफोरनि गोसोखांथिफोरखौ गाव-गावसिनि ससेल मिडिया एकाउन्ट इनस्टाग्राम आरो टुइटरआव शेरार खालामबाय थानायखौ नुनो मोन्दों। फावखुंगुर सिद्धार्थआ रंसारि जानाया सप्ताहसे जाखांबाय। नाथाय अन्सायगिरिफोरा आथिखालसिमावबो बिनि गोसोखांथिखौ बावगारनो हायाखै आरो जायखि-जाया रोखेमनि थासारिआव बिखौ गोसोखांबाय थादों। बावैसो सिद्धार्थ शुक्लानि माखासे



सावगारिफोरा इन्टरनेटआव भाइरल जादों, जायखौ गुबै बाथ्रायाव आथिखालसिमाव नुनो मोनाखै जानांगौ। बेफोर सावगारिफोरखौ लानानै सान्ना लोदोंदि, जेराव बेयो माबेबा

गाहाम देहानि राहा

सजनाआ देहानि थाखाय मुलाम्फा गोनां

सजनाआव भिटामिन सि, ए, आरो केलसियामखौ मोन्याय जायो। मोनसे आन्जाद नायनायाव मोनथिनो मोन्याय जादोंदि, सजनायाव कमलानि रुजुनायाव 7 गुन बांसिन भिटामिन सि मोन्याय जायो आरो गाजरनि रुजुनायाव 10 गुन बांसिन भिटामिन ए मोन्याय जायो। बेनि मुलाम्फाखौ गाहायाव फोरमायनाय जाबाय-

(1) सजनायाव फाइट केमिकेल्स मोन्याय जायो, जाय ब्लाड सुगारखौ खम सामलायनायआव मदत खालामो।

(2) सजनावा मोनसे रोखोमनि प्रटिन मोन्याय जायो जायनि मुड ट्रिप्टेफेन, जाय गोसो खानो हानाय गोहोखौ सांग्रां खालामो।

(3) सजनानि



बिलाइआ उदैनि थाखाय मुलाम्फा गोनां। बेजों दोगोन जानाय हाबाफारिआ गोलेयैनो जायो। बेनि अनगायै खि गोर जानाय, बुखांनाय, गेस, गेस्ट्राइटिस आरो अल्सेरिटेब कलाइटिसनि थाखायबो सजना बिलाइआ बान्जाय जाथाव।

(4) सजनाआ हार बेगेंनि थाखाय मोजां। सजनानि बिलाइआ एन्टि इनफ्लेमेटरि गुनखौ मोन्नो हायो, जाय जरा जरा सानाय-सुनायखौ होबथायो आरो आस्टियपरिससजों दावहा

नानायआवबो मदत खालामो। बिजों हारा बेगेंआ गोखों जायो।

(5) सजना बिलाइआ गात्रि कलेस्ट्रलनि थाखाखौ खम खालामनानै बिखाखौ मोजाडे लाखिनायाव मदत खालामो। बेयो थै रोदाफोरखौबो थि रोखोमै लाखिनायाव मदत खालामो, जायजों हार्ट एटक जाया। बे खौरांखौ बाहायनायनि सिगां डाक्टरनि सुबुरुनखौ लाग्रो नांगौ।

सिद्धार्थ- साहनाजमोननि माखासे गोसो बोनो हानाय सावगारिफोर नुनो मोन्दों

गोदान दिल्ली, 9 सेप्टेम्बर: बलिउड सावथुन मुलुगनि गुबुन सासे मुंदांखा फावखुंगुर सिद्धार्थ शुक्लानि थैनायनि उनाव बिनि अन्सायगिरिफोरा बिजों सोमोन्दो थानाय गोसोखांथि आरो सावगारिफोरनि गोसोखांथिफोरखौ गाव-गावसिनि ससेल मिडिया एकाउन्ट इनस्टाग्राम आरो टुइटरआव शेरार खालामबाय थानायखौ नुनो मोन्दों। फावखुंगुर सिद्धार्थआ रंसारि जानाया सप्ताहसे जाखांबाय। नाथाय अन्सायगिरिफोरा आथिखालसिमावबो बिनि गोसोखांथिखौ बावगारनो हायाखै आरो जायखि-जाया रोखेमनि थासारिआव बिखौ गोसोखांबाय थादों। बावैसो सिद्धार्थ शुक्लानि माखासे



सावगारिफोरा इन्टरनेटआव भाइरल जादों, जायखौ गुबै बाथ्रायाव आथिखालसिमाव नुनो मोनाखै जानांगौ। बेफोर सावगारिफोरखौ लानानै सान्ना लोदोंदि, जेराव बेयो माबेबा

भेकेसननि सावगारिफोर। नाथाय बे सावगारिफोर साहजान आरो सिद्धार्थनि फेनो गोनां देखोनि शुटिं खालामनायनि समनि, जेराव आथिखालसिमाव रिलीस जायाखैमोन। बे देखोनि बिमुड जाबाय हैबिट। साहनाज आरो सिद्धार्थमोनहा आथिखालाव बे देखो भिडिअखौ शुटिं खालामगामासिनो दड। जेराव शुटिं खालामनायनि सावगारिफोरव बाडइ समनि आद्रा दंवावोमोन। सिद्धार्थ आरो साहनाजमोनहा मोनसे गाबनिनो जि गान्नाय नुनो मोन्दोंमोन। जेराव साहनाजआ गोथां गाबनि टप आरो बटम गान्दोंमोन। बेराफासँ सिद्धार्थआ गुफुर आरो गोथां गाबनि सार्ट आरो गोथां हाफपेन गान्दोंमोन। बिसोर सानैखौ लैथो रुगुडव रंजानाय थासारिखौ नुनो

मोन्दों। बे सावगारिफोर बावैसो सानफोर सिगां फटग्राफारअभेसायद इनस्टा एकाउन्टआव शो यार खालामजादों। जेराव आथिखालाव ससेल मिडियाआव भाइरल जादों। फोरमायना होयोदि, सिद्धार्थ रंसारि जानायनि उननिफ्राय आथिखालाव साहनाजखौ जेरावबो नुनो मोनाखै। बेनि थाखायनो अन्सायगिरिफोरा साहनाजखौ नुनो हास्थायबाय थादों, बियो माबादि थासारियाव दड। बियो गाहामे दड ना गैया। खौरां मोन्दोंदि, साहनाजआ गाहामे जानो-लॉनो हायाखै आरो गाहामे उन्दुनो हायाखै। सिद्धार्थनि थैनाय समावबो साहनाजआ बिजों दंफायोमोन।

नुसरट जहानआ गिबि खेबनि थखाय राइजोयारि हाबाफारिआव बाहागो लाहैदों



मुम्बाइ, 9 सेप्टेम्बर: सोनाब बंगनि तुनामुल कंग्रेस राजखान्थि हान्जानि एमपि, बंगली सावथुन मुलुगनि मुंदांखा फावखुंगुरि नुसरट जहानआ थानाय दानआव सासे फिसाज्ला गथ' जोनोम होदों। गथ' जोनोम होखांनानयनि उनाव बुधबारखालि गिबि खेब राइजोयारि हाबाफारिआव बाहागो लाहैदों नुसरट जहानआ। बियो कलकातायाव गंसे सेलुनखौ बेखेवना होनो थाखाय नुजाथिफैदोंमोन। बे हाबाफारिआव नुसरट जहानखौ बिनि बेटरहाफनि सोमोन्दोआव सॉनाय जादोंमोन। बे आयदायाव बियो रावनिबो मुं लायाखै। बियो बुंथिना होदोंदि, गथ'सानि बिफाया बे बाथ्राखौ मिथिनानै दड आरो बियो यासजों पेरैन्टहुड एन्जय खालामगामासिनो दड। रिपर्टनि बादिथै नुसरट जहानआ जेब्लानिफ्राय सासे गथ'साखौ जोनोम होदोंमोन, सुबुंफोर गथ'सानि बिफानि सोमोन्दै बुंथिजायै कमेन्टफोर खालामबाय थादों। मोनसे हाबाफारिनि समाव नुसरटनाव बिनि बेटरहाफनि सोमोन्दै सॉनायाव बियो फिन्नाय होदोंमोनदि, आं सानोदि बेयो सान्ना गोनां सौलु। सोरनावबा बे सौलुखौ सौना ला। गथ'सानि बिफाया सोर? बियो आइजोनि थासारिआव सोरनिबा आखुआव गोसोम गाव नांजानायबादि। बिफाया मिथिनानै दडदि, बिफाया सोर आरो जों खौसेये मोजांथार बिमा-बिफा आखु लागामासिनो दड। आं आरो याशआ मोजां सम बारहोगामासिनो दड। फावखुंगुरि नुसरटआ एरेबादिबो बुंदोंदि, बिमा जानाया मोनसे गेदेर मोन्दांथि। बेयो गोदान जिउ खानाय जादों, मोनसे गोदान जागायजेन्नाय बादि मोन्दांथिदों। बियो बुंथिबावदोंदि, फिसाज्लानि मुडइ इशान। मख'नो गोनांदि, थानाय सानफोरव नुसरटआ गावनि अन्सायगिरिफोरनो गावनि गोदान नुथायफोरखौ दिन्थिदोंमोन।

रिलिस जाबाय अन्तिम सावथुननि गिबि देखो भिघ्नहर्ताया

गोदान दिल्ली, 9 सेप्टेम्बर: बलिउडनि मुंदांखा फावखुंगुर सलमान खान आरो बिबोनां आयुष शर्मानि सावथुन अन्तिम: दा फाइनाल थूट नि देखो भिघ्नहर्ताया रिलिस जाबाय। सावथुन अन्तिमजों लोगोसे बे देखोआबो लान्थियै गोबाव समनाडैनिफ्रायनो खौराडव मुं सोरजिनानै दडमोन। बे देखोनि रिलिस जानायाव सलमान खानआ लिरदोंदि, अन्तिमनि जागायजेन्नाया बाप्पानि बोर सारस्त्रिनायजों भिघ्नहर्ता देखोआ ओं खारबाय। बे देखोखौ रोजाबदोंमोन अजय गगाभले आ। लोगोसे मिउजिकखौ होदों हितेश मदकआ आरो बेनि लिक्स्खौ भैभव जशिआ सुजुदोंमोन। भिघ्नहर्ता देखोआव फावखुंगुर



सलमान खानखौ सासे शिख पुलिस महरै नुनो मोन्दों। लोगोसे फावखुंगुर भरुण धावननि देखोआव फाव दिन्थिनायखौ नुनो मोनगोन। बेयावनो आयुष शर्मानि फाव दिन्थिनायखौबो नुनो मोनगोन। बे देखोआव भरुण धावन, सलमान खान आरो आयुष शर्मानोमोन्खौ मोसानाय नुनो मोनगोन। मख'नो गोनांदि, फोर्बेनि देखो जानायनि थाखाय बे देखोखौ नायगिरि

अन्सायगिरिफोरा जोबोद मोजां मोन्दों। अन्तिम सावथुनआ महेश मन्जडेरकरनि दैदेनायाव जागोन। अन्तिम सावथुनआ 2018 आव रिलिस जानाय माराठी सावथुन मुल्शी पैटर्ननि हिन्दीआव सुजुनाय। सावथुनआव सलमान आरो आयुषखौ गिबि खेब पर्दायाव जयै नुनो मोनगोन। सावथुनआव सलमान खानआ शिख पुलिसनि आखुआव फाव दिन्थिदों। लोगोसेनो आयुष शर्माया सावथुनआव सासे गेंस्टारनि आखुआव फाव दिन्थिदों। आथिखालाव सावथुन रिलिस जानायनि अक्टआ गोबाव दड। फासँथि खौरनि बादिब्ला बे सावथुनआ दशहरानि गेजेराव रिलिस जागोन।

तालिबान सा 200 आमेरिकानि आरो गुबुन हादतनि नोगोरारिखौ आफगान नागारनो गनायथि होबाय

वासिंटन, 9 सेप्टेम्बर : आफगानिस्ताननि खुंथायाव 20 बोसोरनि उनाव फैफिननाय तालिबानआ सा 200 आमेरिकानि आरो गुबुन नोगोरारिखौ थानो गनायथि होबाय। सासे आमेरिकानि बिबानगिरिआ बुंदों, तालिबाननि बिबानगिरिआ सा 200 आमेरिकानि नोगोरारिफोर आरो गुबुन हादतनि नोगोरारिफोरखौ काबुल उरं गाथोननिफ्राय चार्टर फ्लाइटजों आफगानिस्तानखौ नागारनो गनायथि होबाय। सुलुंनि बादिल्ला तालिबाननि सायाव आमेरिकानि जरखा थान्दै जल्मय खलीलजादिनि गेजेरजों नोगोरारिफोरखौ आफगान नागारनो गनायथि होनो थाखाय नार्सिननाय जादोंमोन। बिसोरि दिनें रावना होनो हागौ। आमेरिकानि नोगोरारि आरो गुबुन




हादतनि सुबुंफोरा मजार-ए-शरिफयाव थानाय माखासे साननिफ्रायनो थाथाना थानाय सुबुंफोरा नंगौ ना नडा। बे बाश्राखौ फोसमायनाय जायाखै। मानोना थानाय माखासे सानफोरव तालिबाननि गेजेरजों बिसोरनि चार्टर फ्लाइटनि गनायथिखौ होनाय जायाखैमोन। मख'नो गोनांदि थानाय माखासे साननिफ्रायनो आमेरिकानि गावनि नोगोरारिफोरखौ खैफोद गोनां

हादतनिफ्राय दिहुन्नो थाखाय तालिबानजों सावरायदों। आमेरिकानि हादतगिरि मावख' हवाइट हाउसआ बुंदों आमेरिकानि सोल्लोथाय फसंथानआव एकेडेमिक बैंक अफ क्रेडिट (एबिसि) स्कीम सायाव गोखैयै सावरायनायखौ जागायजेन्दों। बेनि गेजेरजों फरायसाआ गावनि जमा क्रेडिटखौ 7 बोसोरसिम बाहायनो हागोन। बेनि उनाव बे सोल्लोथायआ गनायथि जानाय नडा। गोजौ सोल्लोथायआव

गोदान दिल्ली, 9 सेप्टेम्बर : गोजौ थाखोनि सोल्लोथाय फसंथानआव सोल्लोथाय लानाय फरायसाफोरा आथिखालाव मोनसे कर्स आवनो सोल्लोथाय लाबाय थानानाय नला। गोदान सोल्लोथाय सेसननिफ्राय बियो जायखि जाया समावनोगावनि सोल्लोथाय लाबाय थानायखौ नागारनो हागोन एबा बेनि क्रेडिटखौ बिथा खालामनायनि सायाव गोदान कर्सआव एडमिसन लानो हागोन। सोल्लोथाय मावख'आ गोजौ थाखोनि सोल्लोथाय फसंथानआव एकेडेमिक बैंक अफ क्रेडिट (एबिसि) स्कीम सायाव गोखैयै सावरायनायखौ जागायजेन्दों। बेनि गेजेरजों फरायसाआ गावनि जमा क्रेडिटखौ 7 बोसोरसिम बाहायनो हागोन। बेनि उनाव बे सोल्लोथायआ गनायथि जानाय नडा। गोजौ सोल्लोथायआव

गोदान सोल्लोथाय सेसननिफ्राय फरायसाफोरा गोदान कर्सखौ लानो हागोन



मुलुगयारि मानदान्दाखौ लाखिलानो थाखाय सोल्लोथाय मावख'आ गोदान सोल्लोथाय सेसन एबा 2021-22 निफ्राय गोजौ सोल्लोथाय फसंथाननि थाखाय एकेडेमिक बैंक अफ क्रेडिटनि स्कीमखौ जागायजेन्नाय जादों। बेखौ खालि बै फसंथानआव

आजावना लानो हागोन, जाय नेक (नेशनल एसेसमेन्ट एन्ड एक्लेशन काउन्सिल) नि ए रेंकिंग मोन्नो हागोन। बेनि उनाव एनआइआरएफ (नेसनल इनस्टिट्यूट रेंकिंग फ्रेमवार्क) नि रेंकिंगआव गोजौ थाखोनि 100 फसंथानआव थाफा देरनाया बे नेमखाथिखौ आजावना लानो

हागोन। आथिखालाव हादतआव नेक नि ए रेंकिंग नि आरो एनआइआरएफ नि गोजौ थाखोनि 100 रेंकिंग मोन्नो हानाय गासै गं 351 गोजौ थाखोनि सोल्लोथाय फसंथान दं। बेवहाय इडनिभासिदि आरो कलेज मोन्नेबो दंफादेरो। आथिखालाव समाव हादत नाडे 1 हाजारनिफ्राय बांसिन सोल्लोथाय मावख'नि बादिल्ला एबिसिनि बे स्कीमजों गोजौ थाखोनि सोल्लोथाय बिथिडाव फरायसाफोरा एन्ट्रि आरो एक्विजिटनि गोबां खाबुखौ मोनगोन। सोरबा फरायसाया मावेबा कर्सआव एडमिसन लानाया 1 बोसोर एबा 6 दान जानायनि उनाव बेखौ नागारनौ गावनि मोजां मोन्नाय मावेबा गोदान कर्सआव एडमिसन लानो गोसो जादोंब्ला बेखौ लानो हागोन। बे समाव बिनि गोजाम कर्सआव जा क्रेडिट दं, बेनि मुलाम्फाखौ बिनो गोदान कर्सआव सिफ्ट खालामना

होनाय जागोन। मावख'नि बादिल्ला बेबादि सान्नाय-हनायखौ दासिमाव गं 35 इडनिभासिदिफोर आजावना लांखांबाय। बेवहाय डिडउ, जेएनइउजों लोगोसे गं 24 सेन्टेल इडनिभासिदिफोर दंफा देरो। आद्रा थानाय फसंथानफोरखौबो बेखौ सावरायनो थाखाय लाबोनाय जादों। मख'नो गोनांदि, बे बोसोराव इडनिभासिदिआव गोदान सोल्लोथाय सेसनआ अक्टबर 2021 निफ्राय जागायजेनगोन। दासिमबो बेवहाय एडमिसन लानाय हाबाफारिआ सोल्लोदों। मावेबा कर्सनि क्रेडिटखौ थि खालामनो क्रेडिट फ्रेमवार्कखौबो थियारि खालामदो। जायखौ बिथा खालामनायनि सायावनो गासिबो इडनिभासिदिफोर आरो कलेजफोरा गावनि कर्सनि क्रेडिटखौ थि खालामनागोन। लोगोसेने एक्विजिट आरो इन्ट्रीनि थांखि लानायखौबो थियारि खालामनागोन। बे स्कीमनि गेजेरजों जायखि जाया फसंथाननि मावेबा कर्सयाव एडमिसन लानाय फरायसाना गावनो गाव एकेडेमिक बैंक अफ क्रेडिटआव एकाउन्टआ खुलिगोन। बे बैंकआवो कमांसियेल बैंक बादि हाबामावगोन। जेराव जमा जनाय एकेडेमिक क्रेडिटखौ फरायसाआ जायखि जाया समावनो खरसा खालामनो हागोन। लोगोसेनो गावनो अपरेटबो खालामनो हागोन।

तालिबाननि सरकार दानायखौ गोबां हादतफोरा गोजोन्नाय गैयै फोरमायदों

गोदान दिल्ली, 9 सेप्टेम्बर : आफगानिस्तानाव तालिबान सरकार दानायखौ फोसावनायनि उनाव मुलुगनि हादतफोरा बिसोरखौ उदां गोसोजों बरायाखै। माखासे हादतफोरा भारतनि समखौ नेनांने थानाय नेमखाथिखौ आजावनायबो नुनो मोन्दों। आमेरिकायाबो बुंदोंदि, बियो तालिबाननि दानाय आफगानिस्ताननि गोदान सरकारखौ नोजोर होगासिनो। जार्मानीया तालिबाननि सरकार दानायनि उनाव जिंगा सिनाय फोरमायदों। फार्सेंथिं तालिबाननि मदतगिरि चीनआ मोनसे समानथि सरकार दानो थाखाय खावलायदों। आमेरिकानि गुबुन हादतयारि मावख'निफ्राय फोसावनाय फिन्नायाव बुंदोंदि, बिबानगिरिफोरनि मुंखौ फोसावना होनायाव गाहायै ओरैबायदि सुबुंफोरबो दं, जायफोरा तालिबाननि सोद्रोमा एबा बिसोरजों खाथि सोमोन्दो गोनां हेफाजाबगिरिफोर आरो सासेबो आइजो गया। बे माखासे सुबुंफोरखौ लाफानाय आरो बिसोरनि सिगांनि रेकर्डखौ



लानानै जिंगासिदों। जों बुजियोदि, तालिबान सरकारा बेखौ मोनसे हाबाफारि मावग्रा मन्थि मन्डल महरै दिन्थिदों। अदेबानि जों तालिबानखौ बिसोरनि हाबाफारि मावनायजों जखा सुगोन, बिसोरनि सोदोबजों नडा। फिन्नायाव बुंवावनाय जादोंदि, जों जौनि रोखा बुंनाय बाश्राखौ फिन खेबसेबाव मअफिनोदि, तालिबान गुबुन हादतखौ हुमखि होनो थाखाय आफगानिस्ताननि हा सा बाहागोखौ बाहायनाय नडा बे बाश्राखौ रोखा खालामनागोन। मख'जाथावदि आफगानिस्तानाव तालिबाननि

खुंथाय खुंनाया भारतनि थाखाय मोनसे गिदिर सेलेन्स। आइएसआइया तालिबान खुंथायनि सायाव भारतनि हेथायै जरखायै काश्मिरआव गावसिनि एजेन्डाखौ आवगयहोलांनो थाखाय नारसिन्नो हागौ। मंगलबाराव तालिबाना गावसिनि सरकार दानायखौ फोसवानायाव बै सुबुंफोरखौ गोबां नुनो मोन्नाय जादों जायफोरा इउएननि उतखारि फारिलाइयाव दोनजादों। चीननि गुबुन हादतयारि मावख'नि बुंथिगिरि वाग वेनबिनआ बुंदोंदि, 3 सप्ताहनि बावसिन समनि उनाव आफगानिस्तानाव

गुलुं गुजुंआ जोबनानै फैबाय आरो बेयो आफगानिस्ताननि नख'रारि बेबस्थाखौ गाहामै सोलि होलांनयनि आरो दावहानि उनाव फिन गायसन फिन्नायै आवगयलांनयनि लामायाव गोनांथार थांखि जापानआवो तालिबाननि हाबाफारिखौ नोजोर होगासिनो आरो आफगानिस्तानाव नोगोरारिफोरनि रैखाथिनि थाखाय आमेरिका आरो गुबुन हादतफोरजों हेफाजाव होन्नायनायखौ सोलिहोलांनय थगोन। गाहाय केबिनेट सेक्रेटारि कात्सुनबु काटआ बुंदोंदि, तालिबानजों आरखु बादिये

सावरायनायजों लोगोसे गुबुन गुबुन नाजानायफोरनि गेजेरजों जों जापाननि नोगोरारिफोर आरो जायगानि मावसुमाफोरनि रैखाथिखौ रोखा खालामनो थाखाय खालामगासिनो। जार्मानीनि गुबुन हादतयारि मन्थि हाइक मासआवो आफगानिस्तानाव तालिबान सरकार दानायनि उनाव जिंगा सिनाय फोरमायदों। बियो बुंदोंदि, तालिबानआ बेबादि जेवो खामानि मावाखै जायजों बिसोरखौ आसा खालामथावो। सरकारा थिसन्नाय बिबानगिरिफोरनि फारिलाइआ इस्लामी उतखारि सोमावसार्रा दैदेनिगिरिफोर आरो बावैसो सिगांआव इनाय-अनागारै दावहा नांनय उतखारिफोरजों बुंफनाय। इउएनआव थानाय आफगानिस्ताननि थान्दै एबा अरय थान्दै गुलाम इसाकानइआ बुंदोंदि, मुलुग फसंथाना इस्लामी खुंथायखौ सोलि होलांनय थानायखौ गनायनि थाखाय खावलायदों। आफगानिस्ताननि सुबुंफोरा जयखायै लाइमोनफोर, जायफोर खाल उदांसि आरो सुबुंतन्त्र

आफगानिस्तानखौ 'मिथिगौ। खुंथायनि बेबादि गोदान नेमखाथिखौ गनायनाय नडा, जाय आइजोफोर आरो एसेल' सुबुं अन्जिमाखौ बाइजोआव दोनो, बयनिबो थाखाय समान संबिजितआरि मोन्थायफोरखौ फोजोबना होयो आरो सिगांआव नो मोनखानायफोरखौ सामलायना लाखिनो नेवसिगारो।

इकबाल सिं लालपुराखौ माहारियारि एसेल' सुबुं अन्जिमा कमिशननि गाहाय बिबानगिरि थिसन्नबाय

गोदान दिल्ली, 9 सेप्टेम्बर : बारा' आइपिएल बिबानगिरि इकबाल सिं लालपुराखौ नेसनल कमिसन अफ माइन्सिदि एबा माहारियारि एसेल' सुबुं अन्जिमानि कमिसननि गोदान गाहाय बिबानगिरि थिसन्नबाय। शिख हरिजों सोमोन्दो गोनां लालपुरया बे बिबानाव थिसन जानायनि सिगां बिजेपिनि बुंथिगिरि बिबानाव दडमोन। सुलुंनि बादिल्ला, 1992 आव एसेल' सुबुं अन्जिमानि कमिसनआ लेजिसलेटिव पावार मोन्नायनि उनाव इकबाल सिंआ बेनि बिबानखौ मोन्नाय नैथि शिख धोरमारि सुबुं। बेनि सिगां 2004 याव लालचान सिंआ कमिसननि बिबानगिरि जादोंमोन। लालपुरानि सिगांआव ग्रेजुयेसन हसन रिजबोआ बे कमिसननि



बिबानगिरिमोन। बिनि हाबाफारि मावनाय समा थानाय बोसोरनि मे दानावनो जोबदोंमोन। बे कमिसननि वेबसाइटनि बादिल्ला, आथिखालाव कमिशनवा सासेल' सोद्रोमा आतिफ रशीदआ दड, जाय लेखइ बिबानगिरिनि बिबानाव हाबाफारि सावगासिनो दडआरो सा 5 सोद्रोमानि मासिफोर लांदों

जाना दड। मख'जाथावदि बे कमिसनाव गाहाय बिबानगिरिजों लोगोसे गासै सा 7 सोद्रोमाफोर थायो। थाना दानाव दिल्ली हाइकर्टआ सरकारनो बिथोन होदोंमोनदि, 30 सेप्टेम्बर सिमनि गेजेराव एसेल' सुबुं अन्जिमानि कमिसनआव लांदों जाना थानाय मासिफोरखौ थिसन्नाय जोबनांगौ।

हादरआव करना पजिटिभ केसखौ 43 रोजानि बांसिन मोन्दों

गोदान दिल्ली, 9 सेप्टेम्बर : हादरआव करनानि गोदान केसआ फिन खेबसेबाव बांदों। थानाय सानआव 43,263 गोदान पजिटिभ केस मोन्दों। बेराफार्से करनानिफ्राय मोजाखव फैनाय सुबुंनि अन्जिमाया गोदाने मोन्नाय पजिटिभ केसनिखुइ खमसिन जादों, जायजों जेनाया बांसिन जादों। हादरनि गुबुन राइज्योफोरनिखुइ केरेलायाव आथिखालावबो जेनाया बयनिखुइबो बांसिन जानाने दडा देहा मावख'नि अन्जिमा बादिल्ला, हादरआव करनानि एक्टिभ केसआ गासै 3,93,614 जाहैबाय। बेयो गासै केसनि 1.19 जोखोन्दो। बेराफार्से रिक्बारिनि हारआ 97.48 जोखोन्दो। थानाय



सानाव करना बेरामिफोरा गासै 40,567 मोजां जादों। बेखौ लाफानानै मोजां जानाय बेरामिफोरनि अन्जिमाया 3,23,04,618 जाहैबाय। केरेलायाव थानाय सानआव 30,196 गोदान करनानि केस

मोन्दों आरो सा 181 थैदों। थानाय सानाव हादरआव सा 1,71,295 सुबुंफोरनि नमुनाखौ करना टेस्ट नायनाय जायो। हादरनि सप्ताहयारि इन्फेक्सननि हारआ थानाय 76 सानफोरनिफ्रायनो 3

जौखोन्दोनि गाहायाव थाबाय थादों आरो सानफोमबोनि इन्फेक्सन सन्देरनायनि हारआ थानाय 10 साननिफ्राय 3 जौखोन्दोनि गाहायाव थाबाय थादों। भारतआव करना थैक्सिन थुनाय

हाबाफारियाबो गोखै सोलिगासिनो दड, जेराव गासै 71.65 कौटि इप थुखांनय जाबाय।

डिफिं जानाय गेलेगिरिफोरनि कचफोरबो माहारियारि गेलेमु बान्थानि गनायथि मोनसिगोन: गेलेमु मावख'

गोदान दिल्ली, 9 सेप्टेम्बर : गेलेमु मावख'निफ्राय डिफिं जानाय गेलेगिरिफोरनि कचनि सायाव मोनसे गोनांथार थांखि लादों। मावख'निफ्राय जरखा थांखि लानायनि गेजेरजों बैफोर गेलेगिरिफोरनि कचनोबो माहारियारि गेलेमु बान्था मोन्नायनि गनायथि होनाय जासिगोन होनानै फोसावबाय। गेलेमु मावख'आ डिफिं जानाय गेलेगिरि आरो कचफोरनि सायाव माहारियारि गेलेमु बान्था मोन्नायनि गनायथि होबाय। गेलेमु मावख'नि बायदिल्ला डिफिं जानाय केसनि गेलेगिरिफोरा गावसोरनि बेन खालाम जानाय समसिमाया जोबना फैयोब्लासो माहारियारि बान्थानि थाखाय गनायथिखौ मोन्नो हागोन। केस जानायनि जाहोनाव गेलेनायखौ

थिखानाय समसिमायाव बेन खालामनाय समनि गेजेरव बिथामोनहा गेलेमु बान्थानि थाखाय गनाय जाथाव जानाय नडा सोरबा गेलेगिरिया नायबिजिर जानायनि थाखोआव दंक्ला बिथाडाबो माहारियारि बान्थानि थाखाय गनायथाव जानाय नडा। एसियान गेमआव गल्ड मेडेल देरहानाय अमित पंचालआ बे थांखिनिफ्राय मुलाम्फा जागोनदि, जायनि मुवा 2 खेब अर्जुन बान्थानि थाखायबो नमिनेट खालामनाय जाबायमोन। 2012 आव चिकेन पक्स बेरामनि सायाव लानाय फाहामथायनि समाव बिथानि सायाव डिफिं जानायनि केस फेदोंमोन बेनि थाखाय 25 बोसोरनि लाइमोन गेलेगिरि पंचालआ मिथिजासे डिफिं मोनजाफ्लांनि सोमोन्दै अजद दैखदोंमोन।

थिखानाय समसिमायाव बेन खालामनाय समनि गेजेरव बिथामोनहा गेलेमु बान्थानि थाखाय गनाय जाथाव जानाय नडा सोरबा गेलेगिरिया नायबिजिर जानायनि थाखोआव दंक्ला बिथाडाबो माहारियारि बान्थानि थाखाय गनायथाव जानाय नडा। एसियान गेमआव गल्ड मेडेल देरहानाय अमित पंचालआ बे थांखिनिफ्राय मुलाम्फा जागोनदि, जायनि मुवा 2 खेब अर्जुन बान्थानि थाखायबो नमिनेट खालामनाय जाबायमोन। 2012 आव चिकेन पक्स बेरामनि सायाव लानाय फाहामथायनि समाव बिथानि सायाव डिफिं जानायनि केस फेदोंमोन बेनि थाखाय 25 बोसोरनि लाइमोन गेलेगिरि पंचालआ मिथिजासे डिफिं मोनजाफ्लांनि सोमोन्दै अजद दैखदोंमोन।

बांलादेशआ निउजिलेण्डनि हेंथायै टी-20 टेस्ट सिरिज देरहादों

गोदान दिल्ली, 9 सेप्टेम्बर: इउएइ आरु अमानआव खुंजानो गोनं टी-20 वर्ल्ड कापनि सिगांनो निउजिलेण्ड क्रिकेट बर्डआ हादरनि नैथि बिमुं मोन्नाय टीमखौ 5 खेब मेचनि टी-20 सिरिजनि थाखाय बांलादेशआव दैथायहरदों। बांलादेश दावबायनाय मेचआव किबि टीमआ जेन्नायजों मोगा-मोगि जानादों। अस्ट्रेलियानि उनाव बांलादेशनि हान्जाया हादरआवनो जानाय मेचआव स्पीनारफोरनि मददजों निउजिलेण्डनि टीमखौ गाजियैनो फेजेन्नो हादों। निउजिलेण्डनि सायाव बांलादेशनि बेनो गिबि टी-20 क्रिकेट सिरिजआव देरहासारनाय 15 खेब मेचनि टी-20 सिरिजनि 4 खेब मेचआव जोबनानै फैबाय, जायनि 4 थि बादायलायनाया थानाय बुधवार हराव जोबनानै फैयो। बादायलायनाय मेचनि 4 थि दिन्थिफुनायाव महमदुल्लानि केप्टेन बिबान सामलायनायाव बांलादेशनि टीमआ सा 6 उइकेट खोमानांनयजों देरहासार जायो आरु सिरिजआव 3-1 स्करआव आवगायनो हायो। टी-20 हरिमायारि क्रिकेटनि बादायलायनायाव बांलादेश टाइगर्सआ अस्ट्रेलियानि हेंथायै देरहानायखौ मोन्नो हाबाय। बेगफार्से गिबियै बेटि खालामनो ओंखारनाय निउजिलेण्डनि



टीमआ 4 थि बादायलायनायाव 19.3 अभावरनो गासै सा 10 गेलेगिरिनि उइकेट खोमानांनयजों 93 रान लानो हानायनि देरहानाय राननि थांखियाव ओंखारनाय निउयर्क, 9 सेप्टेम्बर: कानाडानि 19 बोसोरि बैसोनि बेडमिन्टन गेलेगिरि लैला फार्नान्डिजआ गोखोडे गेलेनानै दिन्थिफुनो हानायजों 5 थि रेंकिनि गेलेगिरि एलिना स्वितलिनखौ फेजेन्नानै इउएएस अपेननि अमेन्स सिंगेल्सनि सेमिफाइनलायाव जायगा आवगिनाय मुलुगनि लाइमोनसिन गेलेगिरि जानो हाबाय। बिथाड आथर एश स्टेडियमआव जानाय बादायलायनायाव इउकेननि गेलेगिरि स्वितलिनखौ 6-3,

हादों। किबि टीमनि जाना बिल यांआ बयनिखुइबो बांसिन 46 रान लानो हादों। केप्टेन लाथमआ 21 आरु फिन एलना 11 रान लानो हादों। 94 राननि थांखियाव ओंखारनाय बांलादेशनि टीमआ 32 रानआव सा 3 उइकेट खोमानांनो ब्लाबो टीमनि केप्टेन महमदुल्ला आरु मुहम्मद नइमनि गेजेराव जयै गेलेनायाव महमदुल्लाया 43 रान आरु नइमआ 29 रान लानानै उइकेट खोमानाडो। बांलादेशआ 19.1 अभावरआव सा 4 उइकेट खोमानानै टार्गेटसिम सौहैनो हानानै देरहासारनो हायो।

गोदान दिल्ली, 9 सेप्टेम्बर: भारतीय स्टार गल्फार जिब मिलका सिं मोजाडै जाफुंसारनाय गेलेगिरि महरै 10 बोसोरि दुबाइ गल्डेन बिजा मोन्नाय मुलुगनि गिबि फ्रफेसनेल गल्फार जानो हाबाय। दुबाइजों गोजाम सोमोन्दो थानाय सिं बेयाव जानाय गोबां दुनामिन्टफोराव बाहागो लाबाय आरु बिथाड दुबाइ सहयव गोबां लोगोबो मोनबाय। दुबाइ सरकारनिफ्राय गल्डेन बिजा मोन्नायाव बिथाड गावखौनो गाव सम्मान गोनं मोन्दांथिदों होन्नानै फोरमायो आरु दुबाइआव गोबां जारिमिनारि सोरजिनो उसुखुथु जानायखौ



फोरमायो। इउरपियान दावबायनायाव 4 खेब, जापान गल्फ दावबायनायाव 4 खेब आरु एसियान दावबायनायाव 6 खेब बिमुं देरहानाय 49 बोसोरि जिबआ एलिट फ्रफेसनेल गेलेगिरि जानायनि

थाखाय 10 बोसोरि गल्ड कार्ड मोन्नायाव गोजोन्नाय फोरमायना गावनि 1993 आव दुबाइ दावबायनायखौ फोरमायो आरु बेयाव गावनि हगारहरनाय समफोरनि रंजानाय जारिमिनफोरखौ मिथि होयो।

इउएइ सरकारा 2019 आव गल्डेन बिजाखौ दिहुनदोंमोन। बेनि थाखाय जरखा, उद्यगनि बिगोमाफोरजों लोगोसे फ्रफेसनेल आरु बिगियान आरु गेलेमु बायदि थाखोनि एक्सपार्टफोरा एफलाइ खालामनो हायो। बिथांनि सिगां दुबाइआ फु टबलार क्रिस्टियान रनाल्डजों, पल पगबा, रबर्टो कार्लेल, लुइस फिग, स्मेलु लकाकु, टेनिस सुपार स्टार नबाक जकबिच, भारतीय टेनिस स्टार सनिया मिर्जा आरु बिथांनिनो फिसाइ पाकिस्ताननि क्रिकेटर सएब मालिकनो गल्डेन बिजा जगायना होदोंमोन।

19 बोसोरि कानाडानि बेडमिन्टन गेलेगिरि लैला फार्नान्डिजआ गिबि खेब ग्रेन्डस्लेमनि सेमिफाइनलाव



3-6, 7-6, 7-6 (7-5) पइन्टनि फारागथियाव फेजेनो। बेनि सिगां बियो इउएएस अपेननि बारग' सेमियन आरु नम्बर 1 रेंकिनि गेलेगिरि नओमी असाका आरु एन्जेलिक केर्बरखौबो फेजेन्नो हादों। गिबि खेब ग्रेन्डस्लेमनि सेमिफाइनलासिम सौहैनय लैलाया बेनि सिगां थानाय बोसोरि फ्रन्स अपेननि थामथि राउन्डसिम सौहैनो हादोंमोन। 19 बोसोरि बैसोनि लैलाया गावनि जाफुंसारनायनि सोमोन्दै सौंनयनि फिनआव गावनि

गोथौ फोथायनायनि फार्सेल' फोथायो होन्नानै फोरमायो आरु जेब्लाबो गावनि गेलेनायनि सायाव फोथायनाय लाखियो होन्नानै बुंदों। बेगफार्से बेलारुसनि एरिना सबालेन्काया 8 थि रेंकिनि गेलेगिरि चेक रिपाब्लिकनि गेलेगिरि बारबरा क्रेजिक भाखौ फेजेन्नो हानायजों सेमिफाइनलाव जायगा आवगियो। मुलुगनि नम्बर-2 रेंकिनि गेलेगिरि सभालेन्काया क्रेजिक भाखौ थौंजों सेटनि मेचआव 6-1, 6-4 पइन्टनि फारागथियाव

फेजेन्दों। सभालेन्काया बेनि सिगां उइम्बल्डननि सेमिफाइनलावबो जायगा आवगिनो हादोंमोन। बिथाड सोलिफु बोसोरि फ्रन्स अपेननि सेमियन क्रेजिक भाखौ फेजेन्नो हानायजों नैथि खेब ग्रेन्डस्लेमनि सेमिफाइनलाव जायगा आवगिबाय। क्रेजिक भाया सिगांनि ग्रेन्डस्लेम बिमुं देरहानो हानायनि थाखोआव अमेन्स सिंगेल्सनि क्वार्टर फाइनलाव जायगा आवगिनाय सासेल' बादायारिमोन।



अज्ञेय चक्र my Gov मेरी सरकार

आसाम सरकार GOVERNMENT OF ASSAM

देहायारि लोरबांफोरनि थाखाय आसाम सरकारनि मोनसे मुगाखौ फोजोबनाय थांखि

राज्योनि आइजोनिसिम अरुन 'दय बिथांखि

श्वहीद कुशल कुँवर बोराय पेन्चन

इन्दिरा मिरि अराइथा रान्दि पेन्चन

दिनदयाल बेंगुरानि अनसुंथाय

10 खालार पेन्चन आरु अरुन 'दयनि सान

सा 43.72 लाख मुलाम्फारिफोरनि एकाउन्टसिम मोननांगौ धोनखौ

दानफ्रोमबो 242.40 कौटि रां गथायनानै होबाय

10 खालारावनो माहारियारि बोराइ पेन्चन, बेंगुरानि अनसुंथाय आरु रान्दि पेन्चनखौ फारिफारियै गथायदों।

फोरमायथाय आरु सुबुं फोनांजाब बिथोनगिरि मावख', आसामजों फोसाव जानाय

JANASANYOG/D/5725/21